

C40  
4514  
234

C40-2514

了翁上座請大猷及有  
家書異武列紫雲山  
我微笑塔院庶府中未  
為學者不敢許出院內  
當山二世鐵牛機謹誌



B 64853

圓覺經略疏之鈔卷策之十一

圭峰蘭若沙門宗密於大鈔略出



疏慈云下三引他釋鈞者三十斤也鏞者大鍾也星  
樓者鄰星月之高樓寰區者寰宇區分之國邑都取  
聲聞四遠八方不必徧於寰宇自體者鏞也他者樓  
也未免懷疑者標釋唯言擊鏞至却牒反釋之又加  
於管卽知又疑鏞不是鏗故又羅之以管又縱不知  
譯經差互據現經文所釋亦虧謂經既云如器中鏗  
聲出於外此卽器不是鏗是器中之鏗鏗不是聲是  
鏗能出聲豈不居然三重各別今釋云萬鈞之鏞此

是器也便云聲振寰區豈不漏他鐙字欠一重邪不能決通等者又不的斷譯經訓釋參差又不的云鐙訓何物爲當是鏞爲當是管又不言俱是二物又不言俱是二物之聲爲當偏是鏞聲豈非媠音嬰嬰音邈略言之乎媠嬰者莽鹵合其大意之謂也切韻釋云不決也旣無決斷之文若有人據上來節自一一徵之何辭以對若遇講彼疏者慈心爲具分析然慈疏主稟性俊快亦薄有僧家辭理直筆科判經文實亦可賞至於經論深義殊不屆懷故所隨文銷釋處處脫略門門踈闕亦不尋究經文前之與後始終連帶

之意就中釋此一科猶核分明開示餘更闕略但各三句兩句都邈而已余前後所引彼文但揀理纔通者卽引之務在證同共爲理性宗之黨援兼不欲遺人之片善然未曾添得一義此意神理可知焉意亦同前者由前具指譯經錯誤自取意用之然後觀懋和尚此文却成相順也仍法合等者因疏中爲他配合法論故得如此若據彼鈔釋及講傳者亦無此言疏如器下三釋合經功成中疏不取幻化等者幻化雖空不壞虛相但不取著本自無生起之自體故云卽寂然但不作意執取亦不妨任運目覩歷然故但

云寂不云滅靜者本不是相由心取之爲所緣境便有靜相當情但虛心忘照不取爲所緣此相卽滅不同幻相任運歷然滅者但滅此所緣之相非有靜可滅靜是心息之義非所緣境故又但是下剋體釋之然真心之上有塵沙道理然皆是隨緣相用唯寂滅是剋體眞實道理故云實理上說幻靜二法寂滅是遮詮中道今說一心寂滅是表詮中道謂此真心當體元來寂滅非約動轉無體名寂生已却無名滅故前云圓覺普照寂滅無二亦同楞伽一心也故云內發者結歸經意皆無心於彼彼自寂滅不同上故之寂

滅之故云內發內發之言功成自然之義經自他等者疏有兩重配自他一以餘人爲他以已之情識爲自二以情識爲他假籍外緣方起故覺悟爲自但是本覺發顯故唯獨自等者是法華文彼說意根清淨此說觀智成就亦分位相當疏但想所持者如夢中身心根識但是夢想所持都無自體連續法合可解疏中意在目覩易見之像故舉空雲之喻若論事理親切本末相當不及夢喻經結名中疏一一此云下釋此所結二一正翻釋靜慮者如前四禪中釋也非無記者意顯不是一向趣寂沈空無所鑒辨故非無記不同三性之

中無記也定慧平等者大小乘經論皆說欲界慧多  
四空定多唯有四禪定慧平等禪必兼定定不兼禪  
故定有八禪則唯四疏問卽下二問答會通直造心  
源者非定非慧也由雙非故相卽也義甚明者不取  
幻靜是絕待超礙無礙是絕待煩惱涅槃不相留礙  
是絕待指脩行者直令如此用心也忘情者都不作  
意言定言慧卽是雙非亦不言真假起止卽是絕待  
約義結者是佛印此悟淨圓覺忘情之人云如是方  
名定慧平等故云禪那非此人自云我定慧等亦如  
金剛云卽非三十二相是名三十二相非具足色身

是名具足色身皆卽非是心智契合是名卽是義結  
也乍看似卽非與是名相違達之乃全相合此中亦  
如此也疏三觀下二總判三門二一配前經言標悟  
者若諸菩薩悟淨圓覺心也文殊中者彼說四大緣  
慮如空華二月無明如夢中人非實有體生死輪迴  
身心等相非作故無本性無故能知覺此者亦空華  
相乃至常不動故如來藏中無起滅知見故卽如今  
還見有種種者但是動念之過故脩靜觀止緣澄念  
今證彼也脩普賢等者彼說以幻脩幻幻盡覺滿衆  
生幻心還依幻滅普眼前半分析四大根識塵境乃

至幻身滅故幻心幻塵幻滅亦滅垢盡明現故脩幻  
觀以除幻者普眼後半等者彼說摩尼珠喻現色無  
色垢盡對除卽無對垢及說名者滅影像故無方清  
淨無邊虛空覺所顯發身心根塵四大三界本淨不  
動乃至一切覺故本成佛故剛藏中種種差別皆不  
預圓覺乃至生死涅槃起滅覺照離於華翳皆明諸  
法斷滅靈覺迥超對待故當絕待靈心各依此配  
一相當故知此行脩彼解也但以頓悟漸脩故前通  
此別上根者直稱所悟故不分別中下力難赴心故  
佛各隨機便開成三也至下除我等四相及憎愛等

方得入覺卽脩前中彌勒斷輪迴根本也依師除病  
不作如是脩習等念方得從凡至聖一一隨順覺性  
也由離四病方得起妄念不滅妄心不了妄境不  
辯真實等故知普覺中則是脩清淨慧中解矣疏然  
此下二會異說二一會涅槃三相言三相者彼經云  
卽彼第三十及三十一中文也無十相故色聲香味觸生住壞男女名大涅槃若  
有比丘數數脩習定會捨相卽三則斷十相定名三  
昧若取色相不能觀色常無常相是名三昧若能觀  
色常無常相是名慧相三昧慧等駕駟觀一切法是  
名捨相二乘定多菩薩慧多世尊等故奢摩他者名

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

為能滅云云如故名定相毘鉢舍那名為正見

偏見

見別是名為慧憂畢又者名曰平等觀不行是名為

捨菩薩善知定時生大簡慢慧時精勤未益故捨

時定慧不等不宜及知非時各如是名行菩提道大

同者此初名止取靜澄神定相增勝彼云但不取色

行皆定境也又彼次後文云脩習定者能見次了根

塵起幻除幻慧相增勝後絕待雙融即全同彼云平

等名捨相也等即雙融小異者彼則初定次慧後等

此則二門皆舍定慧然彼雖殊初定次慧亦從增勝

說豈實教中有偏定偏慧邪疏與天下一會天台三

觀此依瓔珞經所立丈二從假入空名二諦觀從空

出假名平等觀是二觀為方便道因是二空觀得入

中道第一義觀三觀現前即入初地天台撮略云一

者從假入空觀二者從空出假觀三中道正觀此三

行相懸談已釋約心成行者緣前六章經文已備顯

覺性推破妄執究諸法性相辯心境染淨乃至從凡

入聖障治通塞斷惑深淺證智勝劣等說此但一向

令忘情絕慮泯相冥真所以不立所觀境也約義生

解者彼但为止觀為宗初勸欣求佛果厭離生死便

讚止觀是出離門是入道門顯觀行相即是此三觀

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

因修補經疏卷之二

六

五

也惟尋諸法真妄性相以顯空假等義以開斷證門  
 戶故須立所觀三諦境智相對義相方明經校量中  
 疏五戒十戒者在家五戒一不得殺二不得盜三不  
 邪淫四不妄語五不飲酒食肉八戒加不得香油塗  
 身故往觀看上高廣大牀十戒沙彌戒加不得捉生  
 金銀財物不得過中食也六通者如序分中說八解  
 者八解脫也取文相對便宜故略一字謂一內有色  
 觀外諸色不淨解脫二內無色觀外諸色不淨解脫  
 三內無色觀外諸色以為淨解脫身作證具足住四  
 處解脫五識無邊處六無所有處七非想非

非想處解脫八淨解脫身作證具足住也十纏者俱  
 舍云纏八無慙愧嫉慳并悔眠掉舉與昏沈或十加  
 忿覆聞慧等者緣三界從凡人聖必須具之故此配  
 也經問所脩中疏為復一人等者據下經文此等皆  
 有謂初三輪則三人各一最後一輪即一一具三中  
 間交絡者或前後文云先脩中脩後脩等或同時經云齊脩等亦有  
 依次先脩奢摩他中脩三摩提後脩禪那即是也或超次先脩奢摩他脩禪那等經  
 長行中疏二一正說下科分二隨釋經標數中疏義  
 同前段者三觀文初也欲分觀為輪故却牒起也輪  
 者二義一摧輾義二動轉義更有圓滿義無始終義

支那

因修補經疏卷之二

七

六

等廣大疏經觀網交羅疏二二觀下分科敘古  
慈疏等者然此觀名亦未能顯發經意亦未能引人  
心入於觀行但緣文辭美暢多有愛者故存之矣今  
全用者依之管經兼能釋觀名以將配合經意二正  
釋經文經科澄渾者約喻說也謂水有塵泥須澄令  
清心有煩惱攀緣垢濁亦爾息用者非唯不緣諸境  
亦不起用觀察幻與不幻等也故慈疏云且水性清  
潤漑灌呈功投于外塵泪音然將濁棄之則亡其所  
用留之則濟飲不堪在器安澄隨流分異去泥純水  
則永斷無明 明相精純斯何不證疏法空座者經云

諸法空爲座座是安居之處菩薩常居諸法空境入  
寂滅者無住究竟涅槃也據寂滅理合是中觀由此  
菩薩利根心靜功成於法空處便證中道不待空病  
亦空方至中道以此菩薩入空本無住空之病故據  
後文例斷煩惱入寂皆是絕待觀中行相故須作此  
釋也經庖丁恣刃觀云以佛力等者前開幻衆及內  
發大悲此以佛力卽當大智變世界者如前變化諸  
幻也種種作用含於逆順自他之利備行等句則唯  
順行於陀羅尼下總明動而常寂寂念靜慧卽定慧  
也經呈音出礙觀疏二二三呈下解科名取前鐘聲

出外作此觀名謂音是鐺等之聲呈是遠聞礙是鍾  
體及樓出是不能拘局疏器質等者器是鍾等質是  
質礙融是通流扣是杵擊若據彼疏卽云隨捷應響  
今云扣者意在順本喻意疏以諸下二釋經義無邊  
等者有二意一此幻境是世俗人間古今差別利害  
之事及二世因緣染淨差別等事廣多無邊不可推  
窮今悉會盡營之無有了期受之無有足日故不如  
絕念滅迹一切都休二幻體是空都無邊底而可窮  
究故達者絕心不預名爲滅也作用等者如前章起  
幻變化而開幻衆及此前科種種作用等今皆不取

也不可得

是前空義無所觀者證絕觀義絕觀義

者不取前靜境幻境也經交絡二觀疏五一後交下

配結輪數疏然每下二顯示交絡兩段二二共合者

如以靜觀爲首卽第一初靜後幻第二初靜後寂兼各

其三行次第者一初靜次幻後寂二初靜次寂後幻

次兼餘二先一後齊者初靜後齊幻寂齊兼餘二先齊後一者

一初齊靜幻後單寂二初齊靜寂後單幻今以靜觀

爲首旣如此餘二爲首一一例之疏今每下三用科

儀式二一正明長科七者若據上所科判卽合且每

觀分爲四段然後於一二四中每段復各分二今恐

節級碎分展轉惑於觀照之意故但長科七也一一  
須牒者緣觀名各有四字若二觀爲一輪卽有八字  
三觀爲一輪卽有十二字二十一輪相計虛書二百  
餘字又文句重疊紛起難尋次緒故須略之後寂者  
經中一一云寂滅也疏寂與下二辯異寂是中道故  
影法師中論序云寂此諸邊名之爲中故與靜異前  
威德章此觀已廣分析疏文中下四總別科分五隨  
文銷釋經初七輪一中疏二一一運下解科名脩定  
者卽取至靜也緣對經云以靜慧心故直言定律宗  
以戒爲船筏禪門以定爲舟航矣言運舟者運通二

意一自運於云出塵二運他卽是兼濟若無二意何  
名爲兼如船師渡人豈自住此岸邪若住者但名借  
船不名度人也細詳舟體正是靜觀餘文易見疏標  
靜下二節經義經二中疏二一二湛下解科名湛海  
澄空者如海波浪不生湛然不動靜觀成也空無雲霧廓  
爾清虛海無邊涯連天一色空徹海底海含空相故  
云澄也惟寂觀也故云波瀾不動等大波曰瀾反生死流  
如波不起故水卽清明如靜觀功成靈心寂照卽是  
性也故云顯性疏寂也下二節經義躡靜脩寂者如  
水因不動卽清明清明卽可澄空也餘文可了經三

中疏二一三首下解科名首羅者大自在天三目如  
涅槃經說以喻涅槃三德今三觀理亦昭然疏靜也  
下二節經義經四中疏二一四三下解科名三點者  
亦是涅槃三德之喻愍意等者觀名齊脩經云先後  
故爲彼出其意耳若約伊字三點今如此經云不縱  
不橫今此三觀有先中後卽是其縱且約大綱細詳  
不切若無損益不能改也疏靜下二節經義經五中  
疏二一五品下解科名疏靜下節經義經六中疏二  
一六獨下解科名此一兼前品字皆全似也疏齊標  
下二節經義經中疏二一七果下解科名靜定之

樹等者離念靜心爲道之本如樹寂滅是極證之法  
故如果雖頓契證寂滅隨俗漸脩自利利他然亦不  
失寂念故如果落還依樹開華也此亦且取大意不  
得始終的切疏齊滅下二節經義經次七輪一中疏  
二一今初下解科名武王等者尚書說武王以順天  
應人故救天下生靈塗炭不得已而伐紂旣克遂歸  
馬於華山之陽放牛於桃林之野鑄干戈爲農器表  
示天下不復再用偃武脩文以理天下以養兆人故  
喻此先動用後息靜疏標幻下二節經義經二中疏  
二一二功下解科名功成者此門與前雖法體無別

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

原居經疏之卷之二

十一

九

先動後靜之喻亦無別意盡此幻觀為首已來喻皆  
 同一類例亦是不得委細也疏幻下二節經義經三  
 中疏二一三幻下解科名疏幻下二節經義經四中  
 疏二一四神下解科名疏幻下二節經義經五中疏  
 二一五龍下解科名龍樹者初在外道中善於幻術  
 後入佛法乃至證於初地具彰諸論記傳疏幻下二  
 節經義經六中疏二一六商下解科名商那者具如  
 懸談鈔引付法藏經備說疏齊靜下二節經義經七  
 中疏二一七大下解科名大通如來者法華經說此  
 佛受諸梵天王及十六王子請即轉十二因緣法輪

千萬恒河沙那由他衆生皆得解脫王子等出家諸  
 根通利大衆請佛說法華經衆皆信解佛說是經於  
 八千劫未曾休廢說此經已即入靜室住於禪定八  
 萬四千劫故云爾也疏齊寂下二節經義經後七輪  
 一中

圓覺經略疏之鈔卷第二十一若此云

昔有主空之神如華嚴說每因日光即

依空現有之義可詳同於疏疏

中疏二一四飲下解科名飲

支那

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

同一類例亦是不得委細也

甲疏二一三幻下解科名疏幻

疏二一四神下解科名疏幻下二節經義

圓覺經疏直之燈卷第二十一在外道中善

後未佛法乃至證於初地具彰諸論記傳疏

萬四千餘年云爾也疏齊下二節經義

八千餘年未曾有烈地疏日唱入精室五公顯安人

跡應除大衆諸論始去華嚴界言顯顯顯顯

子萬劫而心由於衆生皆持神神王于善出案

圓覺經略疏之鈔卷第二十二

圭峰蘭若沙門宗密於大鈔略出

疏二一此初下解科名寶明者寶有光明數數舒光而却入海餘文自顯疏寂下二節經義經二中疏二

一一虛下解科名疏寂下二節經義經三中疏二一

三舜下解科名舜若空神者舜若此云空也以虛空

皆有主空之神如華嚴說每因日光即略現於身即

依空現有之義可詳同於疏疏寂下二節經義經四

中疏二一四飲下解科名飲光者迦葉身光吞飲日

月之光歸定住鷄足山也疏寂下二節經義經五中

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

法苑珠林卷之三十一

方一

疏二一五多下解科名多寶塔者說處甚多疏寂下  
 二節經義經六中疏二一六下下解科名法華菩薩  
 六萬等者經說他方諸來菩薩八萬恒河沙數白佛  
 願於佛滅後於此世界弘是經典佛止云不須汝等  
 護持是經我娑婆界自有六萬恒河沙菩薩一一有  
 六萬恒河沙眷屬於我滅後廣說此經說是語時三  
 千世界地皆震裂此菩薩等於中同時涌出身皆金  
 色先在此世界下虛空中住故喻先空後假餘文可  
 見疏齊靜下二節經義經七中疏二一七帝下解科  
 名疏齊幻下二節經義經圓修三觀疏二一後有下

釋科名疏稱圓下二解經義經偈諷疏無能所修等  
 者緣此偈與長行文異意同恐不解配合故此釋之  
 長行云圓覺清淨本無修習及修習者即是無能所  
 也三觀之初又云於諸修行實無有二悉不言禪定  
 今偈中孤然云依禪定生即知心冥無修之理即是  
 禪定此乃長行標文偈中顯意亦可長行舉法偈中  
 釋義妙在此也疏加之繩索等者即淨名經中優波  
 離與二比丘依法懺罪維摩詰訶云無重增此二比  
 丘罪當直除滅勿擾其心所以者何彼罪性不在內  
 不在外不在中間如佛所說心垢故眾生成垢心淨故

支那

法苑珠林卷之三十一

三

七

衆生淨心亦不在內不在外不在中間如其心然罪垢亦然諸法亦然不出於如等今云加繩索者卽重增之意傷乎無瘡者卽是前富樓那在一樹下爲諸新學比丘說法維摩詰又訶云唯富樓那先當入定觀此人心然後說法無以穢食置於寶器當知是比丘心之所念無以琉璃同彼水精汝不能知衆生根源無得發起以小乘法彼自無瘡勿傷之也欲行大道莫示小徑乃至我觀小乘智慧微淺猶如盲人不能分別一切衆生根之利鈍等釋曰維摩意以爲新學說小乘法是傷乎無瘡意顯以大乘法說今此疏

意明圓頓悟解之人稱真覺性不假道場探結等若令探結卽是傷乎無瘡耳經兩重除障疏二一次後下標意故同大科者大科云次四問答別明觀行今乃於中有二問答是除我離病似非觀行恐有不細詳者生疑故此云是觀行中障也約修證帶我不同全執我相者故障別門觀行如前通明觀行中亦有彌勒一章斷除貪愛貪愛是六道根本亦障通門觀故二釋文經除我入覺疏二一初中下總明科意二別釋經文經慶前中疏如琉璃等者內外明淨透徹故瓶喻一念多芥子喻多劫萬行經正問中疏何法

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

圓覺經疏卷第二十二

三

五

染汙者初悟同佛妄起還凡故志公偈云佛從魔境

出煩惱中悟解菩提

魔從佛境生

悟解同佛遇違順境只於悟中還起

念二頭不相辨渾雜國王城覺經長行中疏二一正

說下科分二隨釋經過患本起中疏兩論所說者天

親論云見五陰一一陰是我相見我命斷滅復生六

道為人相見我身相續不斷為眾生相

即盛衰苦樂衆多變異也

計我一報命根不斷而住為壽者相無著論云取自

體相續為我相我所度為眾生想餘二意同但無著

云想天親云相今泰而用之我全用無著壽全用天

親餘二展演其文令人易解肇注淨名云縱任自由

謂之我常存不變謂之壽貴於萬物而始終不改謂

之人眾生大同此皆情識所計故云迷識境也經說

者約證悟覺性而帶能所從麤至細展轉遣之四相

遣盡方始無遣故云迷智境也疏妄我本空等者淨

名云法無有我離我垢故法無有人前後際斷故法

無眾生離眾生垢故法無壽命離生死故慤云心自

取心自成心病演若愛影背本瞋頭從此妄滋莫能

蠲拂經過患滋多疏二一二明下科判二一總科疏

今初下二別判二隨釋經展轉中疏二一謂由下銷

經可知疏然上下二配四諦云二乘者離通大乘大

支那

圓覺經疏卷第二十二

四

六

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

乘以為虛妄本空之義但宗無生等也故般若心經云無苦集滅道生滅者準天台教權實通論總有四重四諦實一生滅通道各苦即有漏色心增長名集離名道謂止觀等也二無生三無量四無作如次是彼四教所詮法矣今此文中約其過患故當生滅後三重四諦廣如大疏大鈔所明此但略引之意用前生滅以銷疏文不能繁敘初六句等者依數句次第配經文相甚明各須一一配釋以示聽徒經直釋中疏最初根本者論中根本不覺也本源者性淨真心也依本覺而有不覺等疏由將無始等者勝鬘說五住地也經

轉釋中疏二二轉下明科意疏未曾下二釋經文二二釋法經云身心無明者論云以依不覺故心動動則有苦若是生身死之身也不離因無明也又都結三細六麤云一切染法皆是不覺相故疏由愛下二釋偷三一隨相說不斷如人萬萬資財一一慳惜若遇喪命因緣情願總棄以求活命疏又有下二稱性說親斷由前但云不能自斷仍有可斷之我故云隨相今明執時尚不覺有所執之我是其過患憑何說斷縱欲斷之亦是妄想盡盡之時但是真我真我無患憑何欲斷今但以覺無名斷故云親斷也疏如夢下三轉以

喻釋夢喻二說終不肯斷已上喻隨相必須已下喻  
 稱性覺來者覺字去聲呼之經結成中疏種子現行  
 者義如前說引寶積者舉愛例憎墮惡趣者非唯不  
 成佛果仍更墮於惡趣此有二意一如第三生之說  
 二既是存愛迷心愛為六道之本善惡反覆苦樂循  
 環盡於未來卒未脫免三塗等苦如云忍不落惡趣  
 亦由忍可無我之理及愛為苦本之義隨順修之故  
 必不落經別釋四相疏二一二別下敘意科分殊常  
 者如前說迷識境之四相也初果除者小乘見道位  
 證我空真如也羅漢未曉者此四相障於圓覺羅漢

若曉即應悟淨圓覺故天台說三界之外有塵沙無  
 明此執即是其疏也合云阿羅漢今文中且貪字數  
 相對簡略而言矣約事驗我者事即我所我所者我  
 所有一切事境通於有情事皆可見可知我則不能  
 反見故約事境反驗於我乃覺他皆非我便知我非  
 他也二隨釋經約事驗我疏二一初謂下敘科意二  
 正釋經徵起中疏覺有心者知一切事境非我也即  
 此名我經喻釋中疏燕居者燕字音宴依論語中燕居  
 之字經結指中疏覺體者空寂是體是涅槃知是用  
 是覺即體之用涅槃即覺即用之體覺即涅槃既體

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

法苑珠林卷之九十二

一

方

用相即故非別有可證之體也即當前五門證道中  
 第三能所俱泯矣即是我相者即妄見有涅槃所證  
 所證者即我也我是自體義故且實證真體既是法  
 身真我今謬證妄體即是無明妄我也類例甚明經  
 悟我成人疏二二悟下敘科意二正釋經麤相中  
 疏者字正名人者諸家疏論每出人字之體或能證  
 人或能執人乃至說人聽人若真若妄皆云者也如  
 梵語佛陀此云覺者即指於人若言菩提此但言覺  
 即指於法類例如此博學者自當知矣經細相中疏  
 無非不盡者無有過非而泯之不盡謂一切過非皆

已盡也經了跡跡生疏二二三了下敘科意了跡跡  
 生者既展轉相生跡跡不盡即是衆多生起不斷絕  
 義亦是衆生義也緣次下疏文自釋云衆生者不定  
 執一之謂也故此云又亦等也二正釋經徵起中疏  
 展轉無窮皆成能所者問前人相中已云不取能所  
 如何至此却云展轉皆成能所邪答皆成能所者是  
 此人所了之過非非此人認之爲是前人相中覺我  
 相是能所之過者但覺一重能所不知此智又復名  
 能今此轉深故覺展轉無窮皆是能所豈不甚超於  
 前故經云悟所不及及即成所故科云了跡跡生釋云了

支那

法苑珠林卷之九十二

二

方

撰述  
國學新編卷之二  
一  
方一  
此無定故離前非又云不定執一皆是明矣經舉喻中疏於自於彼等者結成所釋經中標云非我非彼之句謂俱非此二也緣此中經文稍隱亦須在意分析經潛續如命疏二一四潛下敘科意二正釋經徵起中疏卽心之照者心是自已本心前三門中由別有能證能悟能了等相故不言心今諸跡已盡故言心也如論中異相住相之文但云覺於念異念無異相覺於念住念無住相至最初生相已盡細念亦無直言覺心初起心無初相意全同此此中甚妙宜細審之清淨者亦由離前證悟了等三相直是心自照

故自覺者自心能覺非謂覺自然經云照今乃云覺者且順常塗疏論多云自覺覺他也疏證悟等者等於了字謂我相名證人相名悟衆生云了此中總盡故徹真源更無別能證等也疏擬將此智者此照智也又業是業用一切作用之智名爲業智但覺潛續之心同於幻化一念不生卽是論中世間自然業智及不思議相等疏雖能除妄者前三也不自除者以此爲是故成潛認而不斷絕如命根矣此一門除久修觀行用心細者方知雖此再三顯示亦無由了之經正釋中疏前三相者覺是心心所之總名若別說

三名卽一證二悟三了若統言之卽但云覺也疏心  
 未忘故者正釋心照名塵垢之義卽知若心忘此彼  
 此照卽心照便是自然業智經驗返釋中疏我智俱  
 盡者我等四相及智慧俱盡也我智者是我及智非  
 謂是我之智照體獨立者是生公語清涼大師心要  
 亦云一念不生前後際斷照體獨立物我皆如將此  
 四句對詳前文始終相當故略取一句若據文字初  
 後敵對卽合云水凍成冰冰銷水在心迷成我我盡  
 心存今緣心水二字皆是通名濕况照體獨立也問  
 彼云照體是離念無相之妙慧經云心照是壽命相

之細病如何用彼以當此邪答但動於濕卽名波浪  
 波浪盡而濕性元真但起於照卽名壽者壽者盡而  
 照體本妙起於照者見一切覺也况所引之文但證  
 本末法喻非直以之釋經經中本無水濕之言亦無  
 真心之語喻中但云冰湯法中但云一切覺冰湯必  
 依水水之濕性必無變滅卽知照覺必依真心心之  
 照體亦無變滅經總標中疏多劫六度者懸談具引  
 可檢示之經展轉廣釋疏二一後展下總別科分二  
 隨釋經喻中疏知賊者涅槃云如人覺知是賊賊無  
 能爲藏識者含藏一切染淨種子卽阿賴耶識也自

體卽如來藏如來藏則唯含無量無邊恒河沙勝妙功德皆如前辨然此二名義別者權實之教不同故密嚴經云如來清淨藏世間阿賴耶如金與指環展轉無差別又說惡慧不能知藏卽賴耶識貧窮等者法華云貧窮無福慧入生死險道今取意勢用之經妨道微中疏縱使認我者意云涅槃是萬行之真性卽我體性亦是涅槃縱認我證亦何所乖亦何妨道經非脫釋中疏還是本愛者所愛之境卽別五欲及涅槃能愛之心不異謂卽昔時愛五欲之心如今復將愛涅槃故憎亦例知本習者無始劫來熏習成熟

故疏愛是生死根者彌勒章已說苗者造業受報也經非脫微云法不解脫者由前徵釋我不解脫云由謬證涅槃故故今又徵云何知所證涅槃之法是謬是愛是生死根而云不解脫邪經驗我釋疏二一六讚下敘意謂實證者疏中順明也今則逆推以明非實謂既驗出瞋喜卽知有我我卽知未證未證言證卽知非實驗處在文二正釋經驗知中疏我執猶堅者唯識說此第八識云執受根身爲自內我微細不可知外執器界亦不可知潛藏者與雜染法互爲能所藏也相續者標釋經中曾不斷也慧軍數舉者

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

止觀為將助道萬行為兵即前曾聞普眼及三觀利  
 根者已入鈍根者亦有聞思二慧被四相障之修慧  
 未發故此段經上文云雖經多劫勤苦修道等魔衆  
 頻摧者伏得麤淺惑止得諸惡業故有聞思之慧阿  
 賴耶者此云執藏皆已如前本章中釋訖城者根身  
 種子器界為境也即是相分主宰者我相也即是見  
 分難攻者行相微細不可知故三乘聖者至無學位  
 斷此識中煩惱麤重究竟盡時不復執藏賴耶為我  
 方能永失阿賴耶名非捨識體如國強臣不賓皇化  
 即呼為賊後天兵頻討多時方降皇帝許雪存其性

命還委州郡之權即呼為卿為臣圖覺帝主亦復如

是配合可知此上皆是釋文中堅末那常侍者亦可

云內侍一向內緣恒執第八見分為我依彼生起常

緣於彼故言常侍常具我癡愛見慢等四種功用故

云防護防護我也初強者滅盡定有學位及出世道

果雖暫伏滅而未永斷直至三乘無學果位方永斷

滅故故成唯識說此染汙意相應煩惱是俱生故非

見所斷意識者第六也能執一切法能造三界業故

云謀臣徧緣內外及三世三性五十一心所故云經  
 營又徧五識之中五識率爾纔起此意即同緣故云

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

傍監五將兼於自位故云六門賊主者六賊之主也  
 我是主故由有六根門戶故能通而遊戲也此釋遊戲諸根  
 偷號者即次前但言為法瞋彼度此不知此心元是  
 我相即知被他偷於為法之號如貪號慈悲瞋號降  
 魔謂貪愛城郭統眾王去聲化貴賤道俗歸臻恭敬供  
 養自謂為慈悲愍念眾生說法度脫不知都是貪愛  
 潛流改變名號相貌或內心瞋彼因以凶惡之三種  
 種訶叱或打棒或驅出自謂為法降魔懲惡勸善不  
 知又是瞋恚嫉恨憎嫌等念潛改首換面也故志公  
 云二頭不相辯混雜國王城如此種種變號故令我

說法化主不覺是賊認為功能渾未解脫越於苦海  
 而乃安然不驚不懼仍以自縛欲解他縛故云惑我  
 法王也侵疆者若論法身疆界徧法界盡十方乃至  
 情界器界皆同真淨之境盡是無漏之界染淨元無  
 二體今但以迷色等六境為心外定有六塵即無明  
 我主之界悟六塵等色即是空色不異空但自心變  
 起盡是空之色餘聲香等亦復如是便是色等三  
 昧名六妙境即般若法身之界今我已悟此境屬我  
 不覺妄起潛執為有潛生愛著還成塵界故云往往  
 侵也由此觀之難明任之難定故云擾我觀境也觀

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

卽觀智解也觀行行也境卽不出六境及真如境隨

所觀時卽爲其境外怯者以有悟心常欲覺察故妄

念似劣不敢故意生情貪瞋造業專伺候觀照明顯

如晝日時卽潛伏故令推察身心道理者但見自己

是悟解分明人不愛名利人爲法爲師人都無過失

人故云晝伏及乎親對違順之境乖於情念極不稱

意之時迷習覆翳對面不覺之時昏黑如暗夜恣行

計校種種生情或擬退屈或擬違背人法或擬別爲

調致或思量道理擬雪身歸過於前人種種生起不

可覺非故云夜行而內挾者挾字之意如史記中說

竇操未登九五時號曹公挾天子以令諸侯今借此

一字爲語勢無明等者謂六識之境如上或覺或妄

或伏或行若藏識中三細及五末那俱生我相等種

卽與無始住地根本常不捨離縱使行人覺察觀照

之時此亦潛續故云晝夜不斷此正釋經曾不間斷

之句也故唯識云此識無始時來一類相續常無間

斷是界趣生施設本故性堅執持令不失故乃至與

內習氣外觸等法恒相隨轉然此中所用具足八識

之義具如本章故此不釋經覆推疏二一一覆下敘

意疏恐聞下二釋經故推徵云者然經文於毀者反

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

明於說者順明若疏則皆反順具明若經文亦各反  
 順具明者應云若知我空無毀我者有毀我者我未  
 空故若知我空無我說法有我說法我未斷故餘文  
 可解經決斷中疏各唯增益者水土資於甘草甘味  
 增益資於黃蘗苦味增長故知由種不由水土以喻  
 萬行資於我相卽是魔業資於覺智卽是佛因故知  
 由心不由萬行此意極要可明示之經抑聖中疏了  
 義等者次自釋云心境本空等卽釋題中廣引經文  
 託了義之句全同此意言心境空者如心經云無色  
 無受想行識無眼界乃至無意識界或云能見及所

見見者悉除遣或云心滅則種種法滅等惑業者惑  
 卽煩惱謂貪瞋癡等業卽善惡不動等本淨者皆空  
 之義凡聖不異者凡夫彌勒皆同一如諸佛衆生同  
 一法界故不異也因果皆圓者因該果海果徹因源  
 故皆圓也就佛見之者上皆釋經中如來解也且衆  
 生迷倒下正顯行人以如來解及所行處爲自修行  
 之意種習者種子習氣也根深者明此倒情種子眠  
 伏藏識之中雖復覺悟亦難了知故云深也縱解法  
 門現用隨念者明行與解違不稱所悟之處無礙言  
 教者雖說無作無受而且善惡因果不忘或說無證

無修不礙斷惑求證或說因該果海不妨歷位而修  
或說佛不度生而又應機說法如此之意徧諸大乘  
故言無礙也亦只如然者將佛所證同自心量也不  
覺念者如眼不自見指不自觸也不知冥通等者揀  
於真證不同未證之心隨相信者未能稱實信故大  
品云不信一切法是信般若等平等之談者卽前心  
境本空等意不能斷惑等者由迷此平等之談便不  
伏進求今時叅學之流多迷此意如聞說眾生本來  
涅槃無漏智性本自具足不得此意便云性本具足  
無可添補煩惱本空無可除斷由作此見便信任身

心不覺施爲元是隨情逐念兼云稱性脫體全真認  
妄爲真惑之甚矣此義廣如懸談初教起因緣決擇  
悟理應修門中已具分析數他實者具云如貧數他  
寶自無半錢分於法不修行多聞亦如是經騁已齊  
聖疏二一二騁下顯科意抑高者謂言佛解處行處  
只似伊心行境界故云就下騁已者馳騁自己謂言  
已證菩提已得涅槃成佛已訖二正釋經認聖智中  
疏理者涅槃也智者證也證理故直云智身身者體  
也卽智自體便名爲證如諸識中自證分也根本戒  
者比丘四重尼有八重大妄語者僧尼皆同謂自證

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

我得過人法乃至而言我知我見虛誑妄語除增上  
 慢此是彼之所除故云非此文意彼犯重此無犯此  
 累悟解彼無所累經驗凡情中疏或即證悟者縱得  
 他已無二隨喜他勝他善尚自不定或是證悟之力  
 或亦不關證悟如北鬱丹越心行無我豈是證邪上  
 界豈有現行嫉妬等邪故知自驗心迹順於道行仍  
 未的定若驗心迹有嫉妬瞋恨等事即定知非道除  
 大菩薩逆行之迹然約心之本迹以對順道乖道有  
 四句一唯順菩薩隨喜他善及行施等二唯乖凡愚  
 嫉妬及行殺等三亦順亦乖菩薩殺等心順迹乖凡

愚施等心乖迹順四不乖不順謂佛染淨無礙及羅

漢闕大悲智願故不順若但約心順為定不定四句

者一定順道二定乖道如前中初二句三乖順俱定

謂菩薩自知四乖順俱不定謂初心行施等自不能

辨及觀他施等亦然經結成障覺云是故不能入清

淨覺者從前數節一一結云不入覺者大而言之皆

為我愛斯為根本然若具明入覺須得其門華嚴玄

義章十五門亦藏和第十明入道方便門有三一揀

心二揀境三造修勝行別卷具引經趣果中疏唯宗

名數者且據法相宗中人也以經云唯益多聞意順

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

法苑珠林卷之四十一

一

方

此故若破相宗中之人即唯宗道理雖亦不尚名數  
 皆不務自照已心此類之人名為慧學非多聞之相  
 故略不言之解義我見唯長者縱使實得廣解名數  
 問即皆知或善於立破破諸言論亦轉增我相欺慢  
 餘人故有云經論衆生出世因解來翻更長貪瞋若  
 約任運我慢貢高即破相法相兩宗人同若據分別  
 心中定認凡夫未除我執者即偏是法相宗人我見  
 破相宗人無故  
 意定斷以不立法故問解法輕人許云我相增長其  
 所執之見已定何言增長答亦有增義謂不習教人  
 但任運執若聞解者言有言無或言同佛異佛皆不

定信不信若習法相之人定不信凡夫無我故知執  
 見轉堅故云增也不能了自心者次云云何知正道  
 彼由顛倒慧增長一切惡一切惡者我見亦在其中  
 既增惡由不了心即正同增我由不求悟即知求悟  
 是令了心故引為證又既由不了心成顛倒即知定  
 須先了心也據此所證文義四句總要緣前已頻引  
 聞者必熟故標初後二句等取中間兩句也又智論  
 者彼有三偈故此云等餘者今取意說謂有慧無聞  
 如闇中有目亦不知實相此如南宗禪學實了心者  
 未達諸法性相又不學之  
 無聞無慧如人中牛灼然不知唯去二種方知實相

士支那

法苑珠林卷之四十一

一

八

卽前悟淨圓覺以淨覺等也經科斷惑下且當成因佛

下者由前數段經文說修行中有多過患皆結云不入淨覺故此勸誡令離過用心方成正因也經順釋中疏根本等者百法標云根本唯識頌但云煩惱總說六種頌曰煩惱謂貪瞋癡慢疑惡見長行釋云性是根本煩惱攝故得煩惱名謂貪等六事是隨煩惱之根本故今經云貪瞋愛慢者彼論愛非其數以無別性貪所攝故此唯三法是彼論也貪者於有有具染者爲性能障無貪生苦爲業謂由愛力取蘊生故瞋者於苦苦具憎恚爲性能障無瞋不安惡行所依

爲業謂瞋必令身心熱惱起諸惡業不善性故慢者恃已於他高舉爲性能障不慢生苦爲業謂若有慢於勝德法及有德者心不謙下由此生死輪轉無窮受諸苦故此慢差別有七九種廣如大疏疏小隨者隨煩惱二十中有三類初十小隨次二中隨後八大隨具如大疏八識章中釋也今諸曲等名小隨者各別起故名小但是貪等分位差別等流性故名隨諂者爲罔冒他故矯設異儀險曲爲性能障不諂教誨爲業貪癡一分爲體嫉者徇自名利不耐他榮妬忌爲性能障不嫉憂慙爲業瞋一分爲體然根本六中

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

今闕癡疑及惡見者癡在偈故三番徵釋已決疑故  
偈云我身卽是身見身見斷則餘見自除故

餘謂邊邪二取

此等皆依身見起故

疏重舉等者意云謂上已明貪瞋愛慢今

又重言恩愛故次釋云生死根等其斷惑行相具如  
大疏所明餘文可見經偈

中如次前使用

長行四門大科

以科之經云悟刹者正顯刹無體約迷悟以分疆也  
前云分疆用此意矣如入唐下喻明故知下法合乃

至釋法愛及我身文皆顯著經依師雖病疏二一自  
下下明科意二釋經文經長行中疏二一正說下開

章敘意有少相濫者待至本文疏自標指若便懸說

初學難領二別釋經文經今識中疏三一簡餘下釋

標指最初因緣者其次文云是故於此勿生疲厭善

財白言云何學菩薩行等乃至善哉汝已發阿耨菩

提心復能求菩薩行善男子若有衆生能發阿耨菩

提心者是事爲難能發心已求菩薩行倍更爲難善

男子若欲成就一切智智應決定求真善知識勿生

疲懈見善知識勿生厭足所有教誨皆應隨順於善

知識善巧方便勿見過失

亦同此中意也

疏法句經者文具

云爾時寶明菩薩白佛言世尊云何是善知識佛言

善知識者便是疏中所引直至住於實際皆真如不

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

變義也同此不住相從畢竟空中下卽真如隨緣意也同此現塵勞讚梵行華手經者彼云云何名爲真善知識彼云若有具足四種法者名善知識云何爲四一者善知教化之法二者善知修道之人三善知教化之過四善知修道之過是名四法也疏離凡下二釋示相經中有順行逆行疏自指配經云不住者若有少法當情皆名住相乃至菩提涅槃尚不取著何況世間夢幻境界疏不應住色等者此密用金剛經經次文云不應住聲香味觸法生心應無所住而生其心得無住心卽契圓覺經云塵勞者塵是六塵

勞謂勞倦由塵成勞故名塵勞又染心勤苦亦是塵勞卽疏中指貪等爲塵勞之意也疏梵行者卽淨名居士現毗耶城俗姓雷氏於提婆城取妻曰金姬男名善思女名月上示跡同凡化在家衆故名梵行疏同事攝者四攝之一也巳如彌勒章說心旣相親者如法華中長者後園種種方便慰喻窮子亦如杜順和尚初食肉復食臭屍又如志公食魚鱸訖吐之水盆魚皆跳踴示欲之過等者經云示有妻子常修梵行現有眷屬常樂遠離乃至入諸淫舍示欲之過入諸酒肆能立其志等亦同華嚴者卽善財所遇婆

須密女示行會行善財遇已得菩薩離欲際解脫門  
住第五無盡功德藏迴向等無厭足住示行瞋行得  
如幻解脫門勝熱婆羅門示行癡行得般若波羅蜜  
解脫門也疏說非梵行者今時此事甚衆宜審詳之  
壞見等者忘却此論題目待檢之疏結成下三釋結  
益經正與中疏如雪山捨身者卽涅槃經第十一彼  
云我於過去身爲童子於雪山修行求道時聞羅刹  
於大林中宣說半偈我當詣彼作如是言善哉聖者  
何處得此半如意珠乃至爲我宣說四句云諸行無  
常是生滅法生滅滅已寂滅爲樂我以身施羅刹如

故現帝釋形等香城敲骨者卽大品般若經彼云時  
法勇菩薩於尋香城宣說般若波羅蜜多經有無量  
百千億人天大衆所共圍繞爾時常啼菩薩求聞是  
經等云儒典尚令等者論語云事父母能竭其力事  
君能致其身懸疏云然因法出塵法爲舟筏由師遇法  
師是船師無師船且不行無船渡無憑託船依師運  
敬法須以敬師故觀音慶已超聞勸凡同仰是以全  
身報法賣髓酬恩割肉聞經焚身謝德嗚呼未學盜  
法非師情希鳳鶴之姿豈覺鏡梟之醜此乃將典益  
滅求悟翻迷破法傷師報如形影經遮疑中疏二一

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

原系世正之卷二十一

二

方一

指前下正釋在文易見但要善巧顯示學人疏然爲  
 下二別議師資然準此盡心事師實亦難得如此弟  
 子及如此求道之人復不易得如此真正師友以當  
 事之故中論偈云眞法所傳及說者真善聽者弟子  
志求難得故通指上是故說生死非有邊以難得三  
道有邊無邊三種也非字通二處讀之謂所言難  
非盡持無邊得非的定永不得得即生死必盡然非  
長無邊際故云非無邊此偈因長行有問此生死法爲有邊際  
 爲無邊際故偈答之云爾然此爲徒等言借論語文  
 勢彼云如知爲君之難爲臣不易故云爾勿因此誠  
 首先勸弟子也世有非法之人假爲菩薩之行誑惑

愚夫還說空無相之言不拘齋戒以麤行爲大乘以  
 眞修爲小教愚人不曉此意却敬彼人不知弟子有  
 擇師之分故今勸示且須聽受他說法自覺心中的  
 有覺悟仍須勤以聖教合與所稟宗中相應經教相  
 合佛言相契若與合者名爲正觀若不合者名爲邪  
 觀又須與師同處日久諮參徧問真俗知他心在佛  
 道大悲利生既識得此師心源即須忘情絕慮沒命  
 歸依縱見他接物化源種種方便如前所說不得生  
 疑又此藥下勸師也佛語種種各有對治如誠俗徒  
 云剃頭著袈裟持戒及毀戒天人常供養當令無所

支那

原系卷二十一

三十二

方一

乏如是供養彼名爲供養我我即佛自稱也又云破戒惡行  
 諸比丘猶勝精進諸外道及乎誠僧又云破戒之人  
 五千大鬼常遮其前掃其腳迹破戒人不得於國王  
 地上行不得飲國王水又云寧以鐵槌碎身如塵熱  
 鐵纏身種種極苦不得破戒身口等受信心檀越衣  
 服飲食臥具種種物俗人合服前藥僧即合服此藥  
 不宜互錯必受其殃今勸爲師之人必須量心道力  
 勿等閑認他上人此藥本治弟子不爲師主師主服  
 之即重增病苦以至於死方藥各有對治不得錯服  
 服之增病等者夫求方藥不離一藏經律經律中言

大底有二一說解則空而無過行則逆順皆通二說  
 解則因果歷然行則止惡修善服此藥人若遇後教  
 即云彼誠迷人初心人小乘人我是悟人久學人無  
 我人作此意度則後藥無施也若遇前教又增惡習  
 縱任情意自陷陷他故言無藥可治也以縛等者即  
 淨名云若自有縛能解他縛無有是處若自無縛能  
 解他縛斯有是處又云自疾不能救焉能救諸疾人  
 斯之謂矣經外意中疏搏食等者謂者朴拙準經意  
 的說財食也食有四種此當段食食總段別以段棟  
 餘古譯經論訛云搏食今此三藏承古訛音遂作搏

撰述  
字又不分總別謂搏卽食仍略食字故云搏財也經  
顯益中疏憍慢若起等者夫人心中若愛敬於他所作  
皆是若輕慢於彼則見彼所作皆非世俗傳云憎人  
嫌醜待人嫌久又云愛忘其惡等也又史書中有寵  
臣獻奇果於君初功後過之義也然慢念惡念亦互  
通先後或因起惡念卽慢他或因慢他卽惡念起言  
惡念者非謂擬損害意中以他菩薩慈悲利物之行  
呼爲求名求利或疑中私染淨不分等便爲惡念也  
障覆自心者旣疑他意唯見他懇切勸人謂言他有  
所求進退皆疑言教何入經分別四病令除疏二一

二分下會通科意答第二問者依何等法據此科云  
分別四病令除卽當答除去何病之問詳其義意乃  
是答第二問此義如何疏次自釋云標以妙法等釋  
意甚明問若爾者何故又云應離四病答疏自釋云  
此法離於四病方可依故疏中二故字皆是釋此段  
合當答前依何法問之所以也除病之問等者意明  
其答除去何病之問下自有文彼一段文令怨親平  
等用心以去無始自他種子結云卽除諸病若將答  
所依法更不相當文亦不次又問曰若爾如何判決  
問答相應之科段答曰問雖次第列名佛答亦通亦


別此有深意可細詳之文似濫者以此段中分別四病令除似答除去何病之問不似答依何法之問故云濫也由此相濫故云舍而科之二正釋經文經別釋行相疏二一二別下示又繩墨者辨經有五義此當一也謂楷定正邪意言者意中言也時俗人語因責人非豈不亦云汝意裏道什麼語又云我意直道汝如是如是亦卽意言分別二別釋經生心造作疏二一釋標名辨相二一辨相下正辨行相思惟揣度等者此諸行相是多種人心意不定主一人或如此或如彼不可一一者爾詩多或字故但列之由是

行多相反如宴坐施爲止山遊世等須善自分析隨執其一者但說同一類行於一類中不妨亦有作兩般三般者如修造供養是一類或作僧俗講或經咒或宴坐止山及觀空有等於諸類中復有別類亦有一人總修者或有相違必不俱者如講者不妨持念及遊世界勤衣食等持念者不妨止山相違者止山遊世也勤衣食故飢寒也端坐施爲也施爲通修造供養講說等愛身厭身也疏此病下二明病起因起行起用者文云卽起諸刃以除刃者又云變化世界種種作用又云照諸刃者便於是中起菩薩行又云

復現智力種種變化度諸衆生又云復起菩薩清淨  
妙行度諸衆生又云復起作用變化境界失彼文意  
者迷彼皆以悟淨覺心於觀行中作如是等行今乃  
但見度生等言便務僧講俗講但聞起行之言便欲  
修造供養持經咒等但聞起作之言便欲種種施爲  
遊世界等聞照習之言便欲深山宴坐觀空有等聞  
除習言便欲厭身故受飢寒等也但憑此行欲契圓  
覺故云成病疏指體下二釋指體結名積土聚沙者  
卽法華方便品偈會權歸實萬善悉趣菩提之意也  
文云聲聞若菩薩聞我所說法乃至於一偈皆成佛

無疑云云皆取意引若以小乘化我卽墮怪貪此事爲不可

我本立誓願欲令一切衆如我等無異化無量衆生  
令人於佛道若於曠野中積土成佛廟乃至童子戲  
聚沙爲佛塔如是諸人等皆已成佛道或有人禮拜  
或復但合掌乃至舉一手或復小低頭乃至供養像  
一稱南無佛皆已成佛道歇卽菩提者是佛頂文具  
云任性自歇歇卽菩提勝淨明心不從人得其本末  
緣起前二引說經任意浮沉  
圓覺經谷疏之鈔卷第二十二



圓覺經略疏之鈔卷第二十五

圭峰蘭若沙門宗密於大鈔略出

疏二一釋標名辨相二一意云下正辨行相無起滅  
 念者以不厭故無滅生死之念以不欣故無起涅槃  
 之念疏差別性者明非實性熱濕等者舉喻以明類  
 例也意如莊子逍遙篇齊物篇等各隨他性各得其  
 志何用改張傷他自然愛僧者僧愛俗者俗樂動者  
 動樂止者止齋與不齋乃至禪律講說一切如此作  
 亦得不作亦得等疏此病下二明病起因言無修習  
 等者次疏可引便云爾時便有二十五輪三觀之初

又云如城四門隨方來者非止一路又云於諸修行實無有二失彼文意者迷彼無修之言是乎以淨覺心之意意令悟此天真本具無修之淨覺以對自己心行不稱覺者對治令稱又常見覺體無妄而妄故須無修而修妄既無妄而妄修亦即修無修既迷此意乃自謂無妄何用更修不覺無身心中現見身心無憎愛中現行憎愛但自云我本不出覺城何用從門而入等故成此任病疏前則下二釋指體結名無記性者不記別爲善爲惡也七賢者謂伯夷叔齊虞仲夷逸朱張少連柳下惠也四皓者即終南山四皓

避秦歸漢綺里夏黃緣生周角經止息妄情疏二一釋標名辨相二一生心下正辨行相生心恐非者故不作種種行隨情慮失者故不縱任自在波息水即清明塵盡鏡即朗照未磨未澄照之何益今妄念既未止息何用推察真性功用故云何須別照疏息念等者相從念起息念故相不當情覺此無諸起滅空靜之性故云得也非即覺性者一則闕於靈照二是色滅之空故疏此病下二明病起因從前靜觀等者倣前辨其迷錯之意即可知也經云彼圓覺性非止合者破也疏覺本下二釋指體結名二一破其無觀

謂例其無止而止而不能無觀而觀於中初四句以  
例立理夫無而見有有而見無皆是顛倒今且念是  
無照是有今既迷背二理故總爲乖失後四句正例  
破也破其偏治無而見有不治有而見無有而見無  
是隱義也疏又真下二破其存止四句例破既起止  
皆違何存止而去起次故言下結歸經文正拂存止  
也若將對前意者拂偏止也所以者何以止若即觀  
止即非止今既一向是止即知闕觀今拂一向之止  
故云非也後故前下引證不應存止經滅除心境疏  
二一釋標各辨相二一前但下在辨行相釋以身空

者文具身心根塵已煩標示故但舉一以例之疏身  
等者亦等於煩惱身心根塵也疏此病下二明病起  
因皆云寂滅等者此文甚多此寂觀中輪輪如此看  
經即見不待引也迷彼成此者彼是絕待靈心之觀  
此是滅病由迷彼意故成此病又寂滅斷惑等言是  
靈心中之絕待故經云無知覺明不依諸礙今但空  
諸法絕於身心等相堅持空寂豈得意邪故下破云  
非寂相故非寂者不言不寂但以闕於照故若見寂  
即照故非寂照即寂故非照非照非寂寂照雙彰即  
契圓覺餘意亦同上三迷前之意也疏夫覺下二釋

撰述  
四  
方  
指體結名言似者寂滅之言斷煩惱之語全同前觀也理疎者如上說之經結明中疏二一將前下釋離病清淨二一直銷文疏然上下二通釋意二一總標徵起疏一者下二別釋行相二一皆無觀慧然觀慧有二一稱體觀照起信中真如三昧及前三觀中悟淨圓覺以淨覺心是也今四病中全無此故二觀諸法空有等義今四中唯滅病云身心畢竟空無所有乍看似法空義然亦非觀慧但是作此解數謂是達空以不言了知等故任病中云於生死涅槃無起滅念亦是說此人心無此意念不有達之舉要而言四

病皆云作如是言正是起計之辭起計之心名爲執見不名觀慧既一一是生心作意而爲非病云何三觀何曾有作如是言之文諸經勸讚亦何曾有此文故知只由修時都無觀慧故皆成病如荷澤大師教人云妄起卽覺妄滅覺滅豈不迥然異於四病邪疏二者下二徧行一行二一明局故皆非疏若能下二明通故皆是作種種行者初病中法也任運閒者二中也習起息滅者三四也常冥覺體者有稱體觀慧也不得取四者一一遣作如是言之計也休作等者通明離病也疏卽上下二釋結定邪正三一正銷經

懼落四中等者有人懼落初病不敢興起利益行懼  
落二病不敢泯絕無寄修無住法懼落三病不敢修  
無念宗懼落四病不敢觀空斷惑由此遲疑之故不  
敢決定發願尅志誓心修善提道既無決志大願卽  
一切不成斯爲大大之病疏問爲下二問答通疑二  
一問詳之可解疏答二下二答若縱志別求者有人  
遇著良師審知有道如前所揀真正又離四病然或  
因接引乖疎或因其中別有情恨之人不願同住或  
自然性不相入便不能師事修習方爲縱志更有餘  
事故縱志別求如何別求如次所引文也疏故善下

三引證釋意經辨事師之心疏二一三辨下辨科段  
但令親近等者下銷經文其間意旨日以行因教教  
籍明師但逢離過明師必示出塵之行故不別明也  
疏如善下二正釋文三一釋總示普賢西遊者卽法  
華經說普賢菩薩在東方寶威德上王佛國遙聞此  
娑婆世界說法華經與無量菩薩衆俱到娑婆世界  
亦是親近供養之意涅槃經說者以彼經迦葉菩薩  
云善知識是趣菩提者具足因緣是故名爲半梵行  
者爾時佛告迦葉菩薩言我說名爲全梵行者法句  
經者文云善知識者是汝父母養育汝等菩提身故

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

四庫全書

五

方

善知識者是汝眼目示導汝等菩提路故初六字後一字驗餘

全用今略可腳足荷負汝等離生死梯登扶持汝等

至彼岸飲食能使汝等增長法身寶衣覆蓋汝等功

德身橋梁運載汝等度有海財寶救攝汝等離貧苦

日月照耀汝等離黑暗身命護惜汝等無有時鎗仗

降伏諸魔得無畏繩挽拔汝等離地獄妙藥療治

汝等煩惱病利刀割斷汝等諸愛網時雨潤漬汝等

菩提牙下取意明燈照破五蓋善友教示正道薪火

成熟涅槃食弓箭能射煩惱賊勇將能破生死軍如

來破煩惱至涅槃  
巴上所引疏文略列十喻文稍不  
欠但簡而用必人難記持但令取

意說也疏從此後亦取意善男子善知識者有如是

引用結一二文今具錄之無量功德是故我今教汝親近此經但令親近供事

說親近所以釋之於是寶明菩薩與諸大衆聞佛說此妙法

及善知識甚深法要舉聲號哭淚下如雨悲啼懊惱

不能自裁自念我身從曠劫已來為善知識之所守

護是故今日值於如來得聞深法如是遇者善知識

力非我力能自念我等從本已來未曾報恩方便親

近說是語已重復舉聲等疏夫善下二釋別顯相親

近者親之與近有四句一親而不近同心意者各住

一方二近而不親或工商同行或官司同仕互相憎

支那

四庫全書

六

八

撰述  
嫉爭權爭利等三亦親亦近仁慈父母孝順男女恩  
愛夫婦道合師資無離別之緣等四不親不近卽陌  
路人等疏百萬障者彼文云若諸菩薩於餘菩薩起  
一念瞋心者當知是菩薩百萬障門皆悉開故所謂  
不欲起善提障不欲化度衆生障乃至廣說也論語  
云者意最事師求法者當須虚心求解降志依人而  
不能戮力自持容易同女子之志疏故滕曼等者以  
菩薩化生審知物性柔弱者可以將護以陵之必退  
剛強者可以折伏縱之犯人文武之道也經云如虛  
空者虛空與法同喻甚多餘處多以喻法無生滅周

徧含攝或喻佛無心等今但喻心無改易不喻無心  
謂常須恭敬供養承順顏色記授言教豈得無心乎  
疏薩埵者此云有情卽衆生也疏結因下三釋結益  
經云方入圓覺者反明若不如是盡命事師卽不得  
入圓覺也經所治中疏生心作意等者並是四病行  
相後云卽除諸病者亦四病不一故云諸也經觀人  
中疏七品行慈者瑜伽論說習學慈心之者不可頓  
成須作方便漸引凡心令慈行成就方得怨親平等  
既慈能與樂與樂亦須平等言七品者上中下親三  
不怨不親下中上怨等也謂遇於上親令與上樂灼

然稱可其心謂竭力供事父母甘脆或與妻子兄弟  
上妙之物其心皆能中親下親如次降殺所奉之物  
不怨不親任運不能與物次中親與上樂雖校一等  
亦可就之卽下親中樂非怨非親下樂得此心熟又  
令下親與上樂乃至下怨與下樂乃至下怨與下樂  
更一轉卽不怨不親與上樂如次下怨中樂中怨上  
樂如此漸漸引至上怨與上樂卽能爲之便成怨親  
無二同佛慈也經科等心觀法者前標妙法結以正  
觀似答所依之法其中又離四病此中標不解脫結  
以除病似答除去何病其中又令觀法故不妨除病

依法參而用之經發心深廣疏二一五顯下會科段  
答第五者前四皆前後挾帶參而答之令義勢相涉  
意思連續唯此一向答發心也二正解文經總標發  
心中云作如是言者言亦意也疏因地等者華嚴一  
部多明此相就中初發心功德品始未唯顯此發心  
行相一一校量功德略如文殊章初菩提心體相功  
德處引說若無心願者夫願是誓心尅志情中願樂  
的欲作如是如是之事情發於中而形於言哀見今  
時淺識之流但以言辭及紙上文字而發願都不反  
驗自意如何故言心願也策引者策勸引導天台令

撰述  
方  
憶本初發心者是願力也行不成者夫願者主心行者是迹所作之行若無宗趣名爲率爾之心無記之性寧契菩提况無願力則心勇卽進心倦卽退何能始終不易尅獲勝果乎經別明心相疏二一二別下釋科文同金剛者如次下所引若約天親所判是答云何住問令住四心也若約無著所判十八住中卽當第一初發心住今此還當發心之文彌勒頌者本因無著菩薩入日光定上昇兜率請問彌勒菩薩金剛經義彌勒爲說八十行頌以釋一卷經文無著傳於天親天親造長行三卷以釋此頌故疏引本頌半

偈列四心矣後半云利益深心住此乘功德滿利益心是普度證果義深心是稱理無度無證無始終義住字正答所問故前大科潛用此意云顯發心深廣廣是普益深字又同四中一廣大心者三界普度故二第一心者令得最上極果故三常心者眾生本寂常住不變無始終故四不顛倒心者無能度我相無所度衆生相故若有我人等相卽非菩薩二正釋經廣大第一中疏四生者胎卵濕化也已如彌勒章釋九類者四上更加五也若有色五也卽是六也是四禪若無色卽是四也若無想八也功德施若無空四也除無想天及無所有處餘皆有想若無空論云就四空

中有想是空識二處無想是無所有處也若非有想非無想九也則疏無有頃天餘涅槃者非四涅槃中之第三彼同二乘故乃是無住大般涅槃也不餘二乘菩薩變易生死及諸細障故云無餘故法華云若得作佛時具三十二相爾時乃可謂永盡滅無餘涅槃者秦譯為滅度故次經云而滅度之若以新翻即云圓寂廣如前涅槃章說虛空眾生等者通顯發心行相故華嚴十種行願一結云虛空界盡眾生界盡眾生業盡眾生煩惱盡我禮乃盡彼第一是禮佛行願也餘稱讚供養乃至第十迴向一一同此以虛空界乃至煩惱無有盡故我此禮敬無有窮盡念念相續無

有間斷身語意業無有疲厭故此云虛空眾生無有邊際等眾生之言含於業煩惱也悲願亦復如然者正同彼云我此等也由發此願等者若以即時之心猶是宿習之性豈肯忘已濟他但心心策發以此願境而為觀智熏習日久自然成性乃至得證菩提無心而化其化大焉經常不顛倒中疏我入覺者必不別有覺為可入也如前四相章初所說亦如前湯銷冰喻我既如此眾生亦然故天親論具云菩薩取一切眾生猶如我身自身滅度無異眾生滅度如是取眾生如我身常不捨離是名常心利益據此即知自

他平等方是常心常心者無始已來本無我及衆生等相但是圖覺無增減無始終無生可度無真可證本來如此方爲常心經云除彼等者然自及他約虛妄之想者各具我人衆生壽者等四今就文勢語便且以我爲能度以衆生配當所度不妨所度衆生亦自有我能度之我亦有衆生評之可見矣疏故天親等者遠離是智依止已下是所離障於中依止是總餘則是別謂身見是我相卽能度也衆生是他卽所度也故結云等相無著云者已斷我見等是離我想故信解下是離衆生想總是彼經下指配彼此文同

其不顛倒心彼經反明此經順顯詳文可知經偈諷中疏長行達已同凡者文云了知身心畢竟平等與諸衆生同體無異如是修行方入圓覺敬師如佛者前約達理此約起行又達已同凡喪其我慢仰師如佛增其恭敬敵體相對以成至行若普觀衆生而恭敬及一切普化自他相對應有四句一約理觀他是佛約情觀已足凡以成恭敬之行二約情計觀他是凡愚苦身約悟解知我同佛智可救以成大悲之行三俱約事相觀佛勝已以增自利之行觀衆生劣我以增利他之行四俱約理性以成無我平等究竟解

釋述  
行疏但諷能治者長行卽先敘所治由有無始憎愛  
種子故未解脫也犯戒因者前彌勒章中敘惡業云  
境背愛心而生憎嫉造種種業生鬼獄故四相文初  
亦從憎愛展轉乃至業流轉等不能繁引違戒德者  
戒是波羅提木叉此云別解脫故遺教經云戒是順  
解脫故能治敵體相反故成治義上來依師離病文  
竟

圓覺經略疏之鈔卷第二十三

圓覺經略疏之鈔卷第二十四

圭峯蘭若沙門宗密於大鈔略出

經道場加行疏三一後一下釋科文得道之處名曰  
道場者此合理事事者如佛於摩竭提國界大樹之  
下坐禪而得菩提其樹亦號菩提樹理如淨名經說  
萬行皆是道場謂直心等又華嚴讚佛身恒徧坐一  
切道場言一切者謂智身徧坐法性道場法身非坐  
而坐道場色相報身安萬行道場化身安水月道場  
障重者釋加行也心浮者釋道場也疏問此下二問  
各料揀文相可知三開章釋經進問中疏義如前釋

者前問法菩薩名皆不再指今此指者意令再釋令  
再釋者正宗經終結歸宗本最須常要知故因此總  
敘一經血脉連帶故此菩薩名是經題故前釋者即  
序分中疏云然此正宗中諸菩薩等與佛問答本意  
欲顯圓覺但緣節節過患未盡義意未圓收機未普  
故表法菩薩未標圓覺之名今有三意得各圓覺一  
前雖病盡理圓仍恐下根難入此又曲開方便三期  
道場即上中下機普歸圓覺二由前節級行解已圓  
至此名爲證極證極之境更無別體唯是圓覺三最  
初標圓覺爲陀羅尼者從本起末今顯義已周還至

圓覺者攝末歸本表此三意故圓覺菩薩當此門問  
經請後中疏躡慶前者敘大智疏舉所爲者敘大悲  
如世慈父得樂即思其子菩薩心行悲智常行經結  
前中疏正法像法者年數前已敘之此二俱從佛滅  
後方說住世年載若佛在日即是法主更不在言之  
緣文中傳言末法故以佛滅後當其正像矣疏永棟  
餘性者彼說五皆定性皆是本有本有二乘無種性  
者則永棟之唯收大乘性者故敘五位之初文云謂  
具大乘二性者略於五位漸次悟入一本性住種性  
謂無始來依附本識法爾所得無漏法因二習所成

種性謂聞法界等流法已聞所成等熏習所成要具大乘此二種性方能漸次悟入唯識彼五性宗有本不具大乘性者故云要具慈恩釋云但言大乘者揀彼定性二乘及無種性即知餘二乘無性及不定中一半是不具者永無具義據此即如今學唯識論人五性之中必皆是具者應合有多分人枉功修學必無解行悟入之義故若此宗中盡合習之未曾熏習無種之者熏成種故來生乃至幾生再遇緣必發生故然合剋志道場且被已有種者故云具大乘性以未有宿種者終不肯入道場故疏聞慧開者當三重

因中第一重也疏菩提心者第二重因義如文殊章初已釋經期限中疏如法華中官事者文云譬如有人至親友家醉酒而卧是時親友官事當行以無價寶珠繫其衣裏與之而去等菩薩以度生為公家之事以自利行為私己之事如同國家賢良大臣以利濟蒼生為公事以自已家產為私事疏王賊命者三種皆有難字謂王難賊難命難三者總名梵行難也水火等緣亦屬命也不同意中一一別開或國王不信佛教禁斷法緣或賊徒草擾難為安住或種種障礙涉於愛性命之緣皆為他事他者總自不由己之

義也故知雖有此等礙緣尚須隨分思察若無此等  
便合加行全功今有人都無此等障礙又無度生之  
緣尚未能思察況更道場加行邪仍安然不驚悠悠  
而過大奇大奇量剋三期無別義者有人育臆說三  
期日數之義大是僻局必不得爾天台曾立志加功  
百日誓求證悟便得旋陀羅尼及乎習法華禮懺道  
場唯製三七般舟道場復製百日方等經中道場法  
式又云當以七日爲期多則無妨少不可減諸教之  
中說道場之文甚多不可備引皆日數不同儀式亦  
異豈可一一別有義邪長期下根者障重難盡故中

下如次可知反於此者長期上根謂能精進堪任勤  
苦多時不退故下期下根謂性懈怠不能久受艱勞  
易卽能行難卽便退聞道日久卽不肯修故佛俯就  
接引八十日亦許中期中根進怠處中量力而製也  
若約利鈍而配卽兩勢俱通且就利根者謂聰利解  
怠者下期怠故不肯久利故障易盡利而精進者上  
期鈍而怠者下期義意例上可知其中期者一切皆  
取處中性也佛意多合且就大綱而製然衆生根性  
欲樂種種不同臨時製宜不可判定但量自他之力  
或上中下疏事理稱可者有人但言心淨卽得何必

嚴淨外相道場心不攀緣卽得何必局居一處猶如  
囚繫此乃但約道理而言不細察自心難淨易淨難  
安易安且染心生起必假染緣如何淨心成就不假  
淨緣邪問其中忽有上上利根一悟之後常與道俱  
易淨易安何妨他有此言邪答若是上上利根人必  
悲智具足能護衆生心行方便勸製的不作此言作  
此言者終非此類問何妨他還遇上上根人作此言  
邪答此則屬前通別觀行誰抑他入此道場邪然亦  
須安處徒衆冥坐靜室若通若局終須令緣起心行  
與所悟理相應故云事理稱可謂內外俱淨身心總

安矣經隨相用心中疏三一對當下釋想其勝緣當  
知唯心等者此兩句全是論文彼標云正念者當知  
唯心等正思正念義同故以彼釋此又唯心之義與  
此意同爲佛滅後設像而觀卽是帶境佛在世時根  
緣俱勝不假外境直觀心佛故言唯心言根緣勝者  
論云如來在世時衆生利根勝能說之人色心業勝  
緣圓音一演顯異類等解顯疏不覩真儀等者  
且佛在日暫因昇忉利天爲母摩耶三月說法優填  
王憶戀情切猶使刻旃檀木爲世尊像禮拜供養况  
佛滅後不覩金容而不能施設形像而觀瞻邪豈道

心不如丁蘭之孝心邪況假之引心入法乎引心者因見丹青形像便想得世尊化現生身之像眼目精靈身手動轉慈顏喜色言語靜默處大衆中巍巍堂堂猶如目前雖目覩丹青而心注佛相次因此相的知化現如鏡中像像者必依於淨明佛相者必依於寂照喻中既目覩影像心全見於淨明法中即目覩化相心全見於法報法報既爾我心亦然心同佛心融心爲佛從此修於三觀是何魔等敢惑亂邪何空華之煩惱能障蔽於心邪故次云相即無相即見如來金剛結示其在茲矣亦可下重釋還同如來二句

也前釋者以心注化現生身之相昭昭如在目前爲同在世之日此則以在日一期之化爲常住也今解者則直以世尊理智真身爲常住也故云亦可就中意在報身報身眼耳等一一廓周法界有身可說不滅故可仰慕故經云懸諸幡華等者明助緣也本意敬佛設像因此莊嚴道場誓期日數也如方等者至下事懺中當略引說也疏去其下二釋禮懺儀式三釋經三七日去其久近等者此意如上三期之說疏次下下二釋稽首諸佛名字二一懸紋三一備列八種禮佛法經者說禮佛方法也經既顯標禮佛禮佛

即是所宗餘七皆是禮佛由緣謂供讚是禮佛流類  
懺勸喜是禮佛之意由欲懺等故禮敬以申懇志七  
是都迴禮等功德向於三處八申陳意所希望彼既  
顯以禮佛餘是方法今經次云稽首十方諸佛名字  
卽正舉所宗懺者總舉所申禮敬之意理合具諸方  
法矣然此八種通說其益則俱能遠離垢障速證佛  
果若別說者供養除慳貪障感大財富讚佛除惡口  
障得無礙辯禮佛除我慢障得尊貴身懺悔除三四  
障得依正具足勸請除謗法障得多聞智慧隨喜除  
嫉妬障得大眷屬迴向除狹劣障成廣大善發願除

退屈障總持諸行初供養者尋常文云嚴持香華如  
法供養等然供養有三謂財法及觀行等具如大疏  
所明二讚佛者卽尋常梵音文也是勝鬘夫人歎佛  
之文又上座別讚云佛真法身猶若虛空等諸經讚  
辭甚多不可繁引三禮佛者則七佛十方佛三十五  
佛五十三佛賢劫千佛乃至佛名經隨意廣略一一  
有經讚其功能四五已下皆如尋常依時禮懺所唱  
亦或廣或略唯晨朝禮最備四懺悔者偈云十方無  
量佛所知無不盡等五勸請者凡小自度但懺而已  
菩薩愍衆故須勸請此有二種一請轉法輪偈云十

方諸如來現身成道者我請轉法輪等二請佛住世  
 偈云十方一切佛若欲捨壽命我今頭面禮勸請令  
 久住等六隨喜者偈云所有布施福等隨所見他善  
 事而生歡喜又隨順歡喜由昔不喜故今隨喜心而  
 慶悅彼以除之也七迴向者偈云我所作福業一切  
 皆和合等謂迴已修善向於三處謂實際菩提眾生  
 展局成廣如迴聲入筒所以要此三者其必相資一卽具三方  
 成一故八發願者偈云願諸眾生等速發菩提心等  
 謂策勵運意爲發希求樂欲爲願卽四弘誓或五願  
 也九論諸行直至菩提菩提心戒以之爲體然上八

種生起有緒謂發心香華供養口讚身禮次洗滌法  
 器欣求法雨攝他同已迴向二處願皆成佛然行願  
 雖云十種但於勸論迴向中開爲別義也疏今略下  
 二配指此經可知疏論中下三引文例證論卽起信  
 華嚴卽普賢行願經引此二文例證皆亦有此八種  
 之意也疏禮佛下二正釋三一略釋禮名可知疏準  
 勒下二引文廣釋二一總釋七禮言勒那三藏者華  
 嚴纂靈記云三藏是天竺人也旣至此土華音又通  
 講華嚴經道俗雲集講次忽有一人執笏形如大官  
 云天帝今請和尚講華嚴經都講維那梵唄法事所

80 1 2 3 4 5 6 7 8 9 30 1 2 3 4 5 6 7 8 9 100 1 2 3 4 5 6 7 8 9

須威須備具講席眾僧皆悉同見言訖便隱三藏及  
 都講維那當時奄然卒於法座優劣有七者然於中  
 兼含是非非中有二即第一二也此一向劣仍是過  
 患餘五則前前劣後後優也我慢禮者身依次立心  
 無恭敬高尊自得耻於下問如碓上下唱和禮者徒  
 肅形儀心無淨想高聲喧雜辭句渾亂此二非儀也  
 問既知非儀何必敘列同作觀門答舉過以訶說非  
 合止以就觀行也敬從心發等者情發於中而形於  
 言讚詠之不足故懇到而禮拜之也運身禮拜運口  
 稱名五輪者手足及頭著地者經中令一一發願云

我今五輪於佛作禮為斷五道離五蓋令眾生常安

住五通具足五眼願我右膝著地之時令諸眾生得

正覺道右是順義故成正覺願我左膝著地之時令諸眾生於

外道法不起邪見左是違逆故表邪見願我右手著地之時猶

如世尊坐金剛座右手指地震動現瑞證大菩提願

我左手著地之時於諸外道以四攝法而攝取之令

入正道左右表邪正如上願我頭頂著地之時令諸眾生離

憍慢心悉得成就無見頂相皆發等流願也無相禮者自此

已下皆述身口恭敬禮時作此觀智非謂身口都不  
 禮敬但將無相等以當禮佛善須思之若以觀智便

各禮佛不須身禮卽第三中亦應但以恭敬便爲禮拜不合運於身口義例如此豈不誤焉問大乘宗於意地意起名犯卽名破戒何妨例此心禮卽成功德答彼起意作念的擬運身口行殺盜等心念成就竟無悔意故今但的擬運身業禮口業讚等心志決定竟無猶豫縱未遂嚴淨道場作禮之間灼然已生功德若無意擬運身口元無功德如本無意擬殺等亦無罪也然觀智旣成觀境常現行住坐卧禮不間斷但觀心不退自然流注如受惡律儀之人

屠獵劫賊等業之類

殺等之心念念流注不必正殺正盜也深入等者能

所俱寂也蕩蕩無礙是離能所合法性之相也起用禮者問能所皆如影像如何得禮敬義成答謂先觀已身心是無明勢分從染緣起今以正智觀之無性卽是一真法界然後觀此法界不守自性常能隨緣而起遂禮拜恭敬一心歸投托諸佛淨緣引起身心隨此淨緣而起各淨緣起如影從鏡現不妨運行歷位漸漸增進行位而行位皆然無有一法不依法界托緣而起故皆如影旣身心無性合於法界法界無所不徧故我身心隨所依法界亦無所不徧無所不禮也故云徧禮一切身內佛者如塵中大千經卷如

弊布囊真金如焦模中佛像如器中之稊音等不緣  
他佛者不取相也若外有可觀邪人行徑若能反照  
解脫有期見佛可禮者雙遮外境佛及身內佛身內  
佛者同中論說如來在五陰中破云如來應小五陰  
應大故偈云此彼不相在亦邪見者中論宗正破二  
乘邪也亦可卽金剛是人行邪道此雙遮內外佛故  
觀身下二句淨名經也各平等禮者結歸所標實相  
也文殊云者入佛境界經中文也問古德集此名無  
相禮何不於第四門引之荅古德揀取著事相通各  
無相無相之言通此四門或古人唯知有法相無相

二宗不開此等權實今旣開之則此偈當此門以無  
相正是所觀之理不得無所觀故等者餘九偈一一  
皆云敬禮無所觀也然上七種禮三通人天二乘及  
六度菩薩宗教中禮四卽始教中空宗禮空是大乘  
初門故五卽經教中從體起用六卽終教中顯實宗  
也不計空色直見本覺真性七卽頓教禮也並如文  
思之疏然後下二別釋後四疏文約三觀三諦配釋  
義相可知疏今經下三結配此經疏具云下三釋求  
哀懺悔四一釋懺悔各此云悔過者此釋則翻懺爲  
悔但是一義也別說者卽懺悔兩字各是一義懺各

陳露者義翻懺字如佛名經云懺是懺謝之名悔以  
悔責爲義西塔律疏云興善伐惡爲懺追變往愆爲  
悔意亦大同餘如別卷疏其所下二明所懺障惑業  
報者惑卽煩惱謂貪瞋癡等根隨煩惱業卽善惡不  
動等報卽果報謂苦果也三障者如佛名經說然其  
罪相雖復無量大而爲論不出其三一者煩惱二者  
是業三者果報此三種法能障聖道及以人天勝妙  
好事是故經中目之爲障所以諸佛菩薩教作懺悔  
此三滅者八萬塵勞皆悉清淨疏今欲下三明障起  
所由不覺者根本迷也故佛名經云獨頭無明爲煩

惱種今雖已覺倒習猶行亦長須悔恨起貪瞋癡者  
然煩惱雖有其十猛利發起是此三也故此三爲業  
之因發身口意者能發是身業所發是身具所造是  
善惡不動業也受諸苦報者受有願現願生願後等  
三報也佛名經又云此三障者更相由藉由煩惱故  
以起惡業惡業因緣故得苦果此中有三重展轉以  
三障之名配屬文相可知更不繁敘疏懺有下四正  
明懺法二一總云責心者悔恨無始已來不早親近  
善友發菩提心而乃執認身心我相縱恣貪瞋嫉妬  
分別見慢造種種業如蠶作繭自纏自縛苦苦壞苦

行苦無有出期三障俱懺者準佛名經先懺煩惱云是故今日先懺煩惱諸佛菩薩入理聖人種種訶責名此煩惱以爲怨家何以故能斷衆生慧命根故亦名此煩惱以爲怨賊能劫衆生諸善法故亦名此煩惱以爲瀑河能漂衆生入生死海故亦名此煩惱以爲羈鎖能繫衆生於生死獄故所以六道牽連四生不絕當知皆是煩惱過患次懺業障由業巧作六道令各不同懺有三種一伏二轉三滅也然小乘唯時定報不定者方除大乘則一切皆滅也後懺報障佛名經云非空非海中非入山石間無有地方所脫之

不受報唯有懺悔力乃能得除滅等疏若就下二別善惡不動三種業中唯別懺惡業也善及不動但以迷心取相求有故成過患若離其病不除其法故此懺若惡業背理招苦一向須斷故此懺令滅也遮罪者因佛遮制違制成罪性罪者法爾犯之有罪則十惡是也準小乘宗四重八重不通懺悔僧殘已下四篇方許餘如別卷作法者小乘懺要請大比丘爲證對大僧具五法一袒右肩二右膝著地三合掌四說罪名種罪名謂僧殘波逸提種是種類五禮足若對小夏闕無禮足但行四法若僧殘罪須請二十清

淨僧合六夜行摩那埵供給承事也七日滿僧爲羯磨除罪遠成合淨如本所受尼則集當衆四十清淨大德若輕罪則一日承事不必集也大乘亦有作法次下引方等經中是疏卽須起行等者於作法懺中兼卽起行也事如方等者明事懺也謂彼經合先嚴淨道場香泥塗地及室內作圓壇彩畫懸五色幡燒海岸香點燈數高座請二十四尊像多亦無妨設餽饒盡心力新淨衣服鞋履無新洗故出入著脫令無泰雜七日長齋日三時洗浴初日供養僧起意多少別請一明了內外律者爲師受二十四戒及陀羅尼

對師說罪要月八日十五日當以七日爲期此不可減若能更進隨意堪任十人已還不得出此俗人亦得須辦單縫三衣備佛法式旋繞一百二十市却坐思惟等廣如經說佛名經者方等多明作法兼起行佛名多明起行少說作法又兼理也文云夫欲懺悔必須先敬三寶所以然者三寶卽是衆生良友福田若能歸敬滅無量罪長無量福能令行者離生死苦得解脫樂先當與七種心以爲方便一者慚愧二者恐怖三者厭離四者發菩提心五者怨親平等六者念佛報恩七者觀罪性空生如是七種心已緣想十

方諸佛賢聖擊拳合掌披陳至到慚愧改革等理行  
 如淨名下明理懺也卽優波離爲二犯律比丘懺悔  
 維摩詰訶云無重增此二比丘罪當直除滅勿擾其  
 心所以者何彼罪性不在內不在外不在中間如佛  
 所說心垢故衆生垢心淨故衆生淨心亦不在內云云  
 如其心然罪垢亦然諸法亦然不出於如如優波離  
 以心相得解脫時寧有垢不我言不也維摩詰言一  
 切衆生心相無垢亦復如是唯優波離妄想是垢無  
 妄想是淨顛倒取我例知諸法皆妄見如夢如燄如水中月  
 如鏡中像以妄想生其知此者是名奉律乃至時二

比丘疑悔卽除發阿耨菩提心餘如別卷具引釋也  
 難曰觀罪性空罪卽滅者觀福性空福亦應滅答曰  
 不也以罪違性福順性故真性望罪是能治能治顯  
 時所治之罪卽滅望福是能生能生顯時所生之福  
 無盡故金剛經云無住相布施福德如虛空等又普  
 賢觀經及華嚴隨好品亦具二種懺觀經明晝夜精  
 勤禮佛卽是事懺觀心無心從顛倒起若欲懺悔者  
 端坐念實相卽是理懺隨好品中等衆生界善身語  
 意業悔除諸障卽是事懺觀諸業性非十方來止住  
 於心從顛倒生無有住處等卽是理懺事懺除末理

懺除根又事懺除罪理懺除疑餘義具如大疏疏感  
應下三釋感應獲益或見等者所見無準或佛摩頂  
或種種華光說法等故言或也見者或於定中心忘  
身處之想而忽見之或於觀中見真性隨緣成如此  
相據義雖成一切不唯此相然且當正與此相相應  
或眠夢中見如是等總各遇善境也不作聖心者佛  
頂經中說諸勝相皆結云不作聖心等今用此語若  
天台等者即彼止觀第九門中明善根發相有其真  
偽偽者隨因所修數息等禪彼先說五停心觀發所  
相後始明此真偽故  
發之法身手紛動或重或輕或寒或熱或念散善或

撰述  
圓覺經略疏之鈔卷第二十四  
五九

起惡覺乃至憂喜驚樂此名邪定若人念著多好失  
心或鬼神知之則加勢力令發諸定智辯神通感動  
世人謂得道果乃至命終憶鬼神道若因此行惡即  
墮地獄若能知之正心不著即當謝滅真者無有如  
止之法一禪發即與信等相應與信進念定慧五  
根相應等者等餘  
種分明清淨內心悅樂智鑒分明身意柔輒微妙虛  
寂厭患世間唯欣出離若見此善根發時應隨所宜  
或止或觀修令增長今經云遇善境界即信等相應  
經離相用心中

圓覺經略疏之鈔卷第二十四

支那  
東京大學總合図書館所蔵

寤思思母聞動知由聽若見此善妙發觀觀而宜  
 靜操與睡氣內必外樂昏墜衣即良意乘轉燭熾  
 迷眩忘中是顛倒相與計空昧飄外則飄善法善給  
 塵起熾然頭眩眩五功不著唯當攝然真香無言取  
 耳入斷昏亂果以全命發靈取轉散法因此行惡唱  
 心如鼠賊味心似賊婆衣命發靈取轉散法因此行惡唱  
 狀惡覺以至憂喜驚樂此谷淋取若入念替於秋夫

圓覺經略疏之鈔卷第二十五

圭峯蘭若沙門宗密於大鈔略出

疏二一亦名下正釋可知疏然論下二會通除惑等  
 者惑業在心如塵泥在水合懺除之如水去泥滓攝  
 動者謂雖除惑業不貯心中掉舉浮散任運流動或  
 種種思慮修習何成如四病云作如是言豈是貪嗔  
 豈便結業又前云虛妄浮心多諸巧見皆同此說故  
 須攝念澄心如水清而澄淨也空者由除惑業故寂  
 者由攝馳散故方能等者如水現像經標異中疏此  
 泥經等者今取意撮略引之證二戒不同非證道場

之事彼經云聲聞乘人雖淨持戒於菩薩乘不名淨  
 戒菩薩乘人雖淨持戒於聲聞人不名淨戒優波離  
 聲聞人不應乃至起於一念欲更受身則名淨戒於  
 菩薩乘最大破戒菩薩乘人於無量劫堪忍受身不  
 生厭患名清淨戒於聲聞乘最大破戒又菩薩不盡  
 護戒聲聞盡護菩薩持開通戒聲聞持不開通戒更  
 有要文別卷具引疏六和者梵語僧伽正翻云衆義  
 兼和合若但言衆何異鄺肆多人聚集或軍營羣吏  
 皆長同一處互相侵謀爭名競利若唯云和合何方  
 二人同心或共謀惡或夫妻之類故須具云衆和合

也和合有六謂身口意戒見利身和其住口和無淨  
 意和無違戒和同修見和同解利和同均經正陳中  
 疏怖魔者初出家時魔宮擾動比丘是能怖魔是所  
 怖非謂怕魔謂令魔驚怖名怖魔如云驚軍動衆乃  
 是軍衆驚動也乞士者上從善知識乞法以鍊神下  
 從檀越乞衣食以資身淨戒者有表而受無表而持  
 緣具心真故名淨也有人加淨命破惡以爲五義今  
 以乞士是乞衣乞食正命離邪如法而活卽是淨命  
 也淨戒不犯卽破惡也故不別列經云優婆塞夷者  
 優婆此云近事塞夷則是男及女聲四分律又云婆

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

私皆梵音小異耳經云修寂滅行者理實而言既修  
 三觀卽有至靜起幻寂滅等三行今通言寂滅者正  
 是中道圓覺迥異二乘兼合揀權教菩薩故疏八識  
 等者本章已釋四智者菩提章中已釋其銷經義意  
 可見但逐難略指疏五識取塵等者率爾眼識同時  
 意識等也疏小大安居等者料揀大小也八對皆上  
 小下大務其文略不能一一指之然所對小乘之行  
 皆約結大界內衆和合安居依法之行其中或有難  
 緣或別事故獨居者或二三人居者此不對之以事  
 希故非佛教本意故是別行法故言所依者若據嚴

淨道場亦是所依緣經云以大圓覺爲我伽藍故取  
 圓覺也又道場日滿夏日未滿不妨東西故不取道  
 場又修觀之時忘於身及處所之相故也大中示現  
 安居及實相住持自稱名等皆是經文示現者陳辭  
 句及標心也其中小乘定實事相對首如常可悉然  
 心不起念念起皆本不間斷覺無上菩提等設不安  
 居道場觀門本亦如此今取以爲安居相者有二意  
 一明言示現安居二因說安居便形對小乘說故問  
 大小二藍何寬何狹答若以成相卽大寬小狹界內  
 及圓覺故若以破相卽小寬大狹身出界及當處念

起故經誠取中疏二一總標下定所證境是加行中  
 之說證也故云總標等謂加行克脩三觀雖在後段  
 說之此是道場中修證儀式故總標舉誠修三觀之  
 人若證見境界非先所聞不得取著也疏謂信下二  
 正解釋然斯文甚要餘處所無至於天台辨禪門修  
 證最備亦無此誠若得此意天台覺魔事一門及邪  
 禪善根發相一段都無所用若失此意則縱全用彼  
 二處之文亦說邪魔之相未盡矣別異境相有何窮  
 盡故唯除實相餘皆魔事故有證有得皆名邪故願  
 諸學者諦思念之元來不異者明證與信始終不異

也謂信若不信圓覺餘信皆邪如三聖圓融觀說由  
 此義故經云發心畢竟二不別及初發心時即成阿  
 耨菩提又云因該果海古今傳云初發心時與佛齊  
 功皆斯意也若不解此義如何會如上等文文中易  
 見隨難釋耳經答加行中疏二一二答下科分二隨  
 釋經正觀中疏前威德段中圓說者具二利也餘文  
 詳之可見經觀成中疏二一此有下釋標釋二一釋  
 標文治諸覺觀者據五停心觀對治之中藥病如此  
 不取餘四者悟淨覺人全無愚癡亦不著我貪瞋蘊  
 重已能覺之伏之故不作餘四觀唯思覺微細非所

執法任運而起最難制止正障禪觀故此先取數門以治之也入妙境者寂滅中道是此觀中所觀境故然修下釋修息也修出入息者非唯繫心不散抑亦易悟無常以喘息出入是壽命生死之所依故又萬物皆因此息而有今覺此氣息都無根源雖云氣海何有深廣之實由此觀之易悟諸法空故今此標列但依出入息道有六門方便修之此是內行根源三乘要道故瑞應經說世尊初詣道樹加趺坐草欲習佛法內思安那般那梵語此云出息入息一數二隨乃至六淨萬行開發降魔成道佛為物軌示迹若斯三乘正士

豈不遵稟又提婆菩薩破外道已亦勸修此門然此六中準大疏釋各有二相一修二證數中修者調和氣息不澁不滑安詳徐數從一至十想心在數不令馳散證者覺心在運住於息緣即捨數修隨下皆說捨前修後之隨中修者隨息出入想心緣息無分聲意證者覺息長短徧身入出心息任運相依縣縣若存恬然凝靜止中修者不念前二凝寂其心證者覺身心泯然不見內外觀中修者定中觀於微細出入息想身心不實利那不住定何所依證者覺出入息徧諸毛孔心眼開明徹見三十六物得四念處破四顛倒還

中修者反觀觀心無所從生何有觀境境智雙亡道  
 源之要證者心眼開發不加功力任運破析返本還  
 源淨中修者知五蘊空故不起妄想心本淨故證者  
 如是修時豁然開發三昧正受心無依倚或證五方  
 便或無漏慧發等或依次下明修之儀式然天台總  
 列十門今此略用兩門之意謂一次第相生二隨便  
 宜也言依次者即次第修此六門如上引釋或隨便  
 宜者謂於六中調試其心各經數日即知便宜隨便  
 而用心若安隱必有所證證者謂種種禪定廣如疏  
 釋者大疏具用五門初二如上三對治四旋轉五觀

心一一列釋故云廣也疏由前下二釋釋文二一正  
 釋由前至心淨者釋經先取數門一句躡前因息數  
 而入心數或不由息但入心數故了知心中等言故  
 了知者總含兩般之意但修成皆能知也問經云心  
 中了知何得此云了知心中豈不倒邪答二義皆具  
 謂只是我自己心中了知非別有能知之慧又還只  
 了知我心中生滅等念非了知心外實有定法故應  
 如此釋之豈是倒邪籠細者約論中生住異滅開爲  
 三細五籠除業果故唯五以辨籠細如次下疏中自配籠者  
 五籠細者三細又籠中之籠異滅二相細中之細唯

是生相細中之麓住相中前二麓中之細住相中之  
 後二妄念者總指也本中三細末者五麓又住等三  
 相皆末生相為本又生等四相皆末根本無明為本  
 分齊者生相及住相中前二在本識中餘皆在事識  
 中又前麓細各有本末各有部分限齊故論云生滅  
 相有二種一者麓與心相應故心所與心王相應二  
 者細與心不相應故以無心王心所又麓中之麓凡  
 夫境界麓中之細細中之麓菩薩境界細中之細是  
 淨境界界即分齊之義也頭緒數量者總結上也謂  
 四相猶如首領一一相中各有衆多生滅等法展轉

因依生起皆有綸緒不相離亂乃至八萬四千不離  
 四相故云頭緒數量也生中一者業相也滅中一者  
 起業相也住四者轉相現相智相相續相異二者執  
 取相計名字相皆如前文頻有引釋訖疏據論下二  
 證同二一正指同三一敘義凡夫覺滅等者前淨慧  
 章中已具辨訖疏故論下二引文言乃至者次云以  
 無念等故而實無有始覺之異以四相俱時而有皆  
 無自立本來平等同一覺故前文已引故此略之疏  
 釋曰下三釋意正釋成論意與此同矣疏問文下二  
 通妨難應其問云此觀文首便云先取數門都無無

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

國學編覽卷之三十五

万一

念之言何得云正當此門應具答云人難解經良在於此且三觀體用法義分齊在威德菩薩所問章中至二十五輪再說者猶且明修三種時或單或複或不具不相兼定慧修之分齊謂至靜動用寂滅等各別今此門中直明趣入方便且令數門調心息於攀緣覺觀諸念自寂即入妙境但是修習彼之三觀元無兩種三觀故辨音問云此諸方便有幾修習此段菩薩問云三種淨觀以何為首皆舉前法以問修之儀式今云論中無念同此者此觀根本云云不取幻心及諸靜相等三種絕於對待之念結成寂滅之行

至諸輪中一一皆云寂滅具如彼中已釋夫寂滅者生滅滅已方名寂滅故科云絕待靈心觀絕待者無念也靈心者一覺也以此云同何所疑邪今云寂觀但取文少非謂捨於前名故次云正當絕待意在此矣縱就數門而論亦本為對思覺等念念已止息方見生住等念故前云由澄諸念覺識煩動夫有念者必不見無念之理前已頻有徵釋善思念之然疏中云文在前章者有二意一若約法義體用即唯前威德一章若兼諸輪一一標顯至靜寂滅等各有分齊即總指二章也今此但明已下皆已釋了疏初則下

支那

國學編覽卷之三十五

八十一

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

圓覺經疏卷之二

五

二釋結成相經功用中疏淨心是圓覺等者淨者心  
 本空寂為靜故是體也心本能知為覺即當用也心  
 通一言矣萬物皆然者若云不知萬物是何因緣偏  
 知雨滴一色邪定不如此但此經宗貴文句簡略故  
 但舉兩滴問從前既云眾生本具圓覺淨心如何不  
 得知一切耶故次答云凡夫之類等經徧修中疏三  
 一如來下略銷文二一約所感勝緣佛出釋萬行已  
 圓者說修行文云方便隨順其數無量圓攝所歸當  
 有三種據此即三觀便攝萬行故此觀成之人便  
 是親見如來應身也以見佛之益亦只是意行圓

故疏又即下二約自心本覺佛出釋離念者靜觀成  
 離塵重攀緣之念幻觀成離沈空滯寂及執著定相  
 之念中觀成離對待分別之念唯除本覺真佛更無  
 餘念而可隱翳故云出現於世疏然前下二廣釋義  
 三一指經總標般涅槃者般者入也涅槃者寂滅也  
 翻文釋義  
 已在本章  
 疏實義下二正釋義三約實義言實義者  
 成佛及入涅槃各有實義成佛者大經云應知如來  
 成等正覺於一切義無所觀察又云譬如虛空一切  
 世界若成若壞常無增減諸佛菩提亦復如是若成  
 正覺不成正覺亦無增減涅槃者大經又云欲知如

來大涅槃者當須了知根本自性如真如涅槃如來  
涅槃亦如是一實際法界虛空又云如來不爲菩薩說  
諸如來究竟涅槃亦不爲彼示現其事何以故欲令  
見一切如來常住其前於一念中見過去未來一切  
諸佛色相圓滿皆如現在亦不起二不思想淨真俗  
二諦皆以緣起之言標指者爲棟權教中一向凝寂  
空無之真一向生滅動作之俗謂此真是法性緣起  
之真此俗是法性緣起之俗也言大經者華嚴也前  
後皆然無有少許處空無佛者非唯諸法中下至極  
微塵皆全有佛而十方虛空一一可容一塵之處亦

皆全有圓滿具足之身相也卽生卽滅者楞伽云初  
生卽有滅不爲愚者說四相同時卽是論文前已引  
釋常住世常涅槃者此與前異前云念念是利那生  
滅義但以相續不斷故云常有佛成正覺涅槃今是  
凝然常住永離生滅之相故全異也言住世者此常  
住覺照不離生滅法中也常涅槃者不同諸法滅也  
疏對機下二約對機忿慕故等者文云譬如日出普  
照世間於一切淨水器中影無不現普徧衆處而無  
來往或一器破便不現影如前引釋疏對今下三結  
會此經三觀成就離三種麤細之念故見佛現如水

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

離渾濁波騰等相故見日現疏然此下三釋成圓意  
 各有證相者並如經所明徧修方契者及顯不徧修  
 卽不契證也故前云此三皆是圓覺親近若得圓證  
 卽成圓覺如前文者諸輪末文云若諸菩薩以圓覺  
 慧圓合一切於諸性相無離覺性各爲圓修三種自  
 性自性者稱體本來具也經隨便互修中疏文有四  
 句一藉假入空二藉空入假三藉空假以成中四藉  
 中以成空假此有二對其中義意扶持相成直見心  
 源者空觀前對云諸法卽性故空後對云無別所現  
 故空旣無別法所現方知卽性旣云卽性當知無別

故扶成也假觀前對云不壞相故假後對云但從性  
 現故假此亦相成可知經偈諷中二初諷道場中初  
 一偈期限次三句行相後二句誡邪後諷加行中初  
 一偈別修次二句徧修後五句互修並如文可知第  
 三流通分疏二一大文下總明來意於中從謂正宗  
 下至有此分是躡前起後都從無人傳至不擁不塞是  
 解科各相文顯疏文五下二科釋經文二一科分此  
 意旣無偈諷但長科五段耳二隨釋經問能詮中疏  
 事須持教者故律中世尊說過去六代如來中有四  
 佛結集經教故佛法久住於世二佛不結集經教故

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

四庫全書

二

方一

佛法速滅貫穿者以經教貫穿法義義則不遺已如懸談引佛地論釋訖疏先須識名者如論語云各不正則言不順言不順則事不成事不成則禮樂不興禮樂不興則刑罰不中疏十法行者具如大疏道場禮懺門中法供養處釋今此疏文略義具謂寫是書寫施是轉施等也

餘謂聽聞受持披讀誦思惟修習其說釋即是前云開示也此

十法行皆流布之相故結云如是分布等經標說護中疏一說卽是多說者如說華嚴時具十種緣謂一依時從無始際盡未來際念念常說無間斷故二依

法界中所有世界彼無量世界一一塵中皆有

毗盧遮那說華嚴故三依主如前十方一一世界一切諸佛皆同說故彼諸會每說已皆結通十方一切世界故十方佛來證皆云我等亦如是說餘七不能具述然雖一一徧一切時一切處佛佛同說皆徧法界爲門不同亦無雜亂廣如別卷疏諸佛護持者只如諸部般若多是天帝守護法華是菩薩守護華嚴及此經是諸佛自護良由根本法是佛師故疏諸教煥然者諸教所說一切染淨諸法皆是圓覺妙心之中派流生起故達此法則諸法皆通若不了下卽取意用大經之文云云不能了自心云何知正道也

支那

四庫全書

二

方一

故云眼目者都結上義以歸經文經答名字中疏非  
 器不聞者非揀之不爾自是彼堅執不悟不悟則但  
 聞聲音語言不聞法也如日月不隔於盲人雷霆不  
 隔於聾者等疏極證之處者如懸談初泯絕果相成  
 圓門中廣說此義疏隨緣起妄者既是在纏淨隱染  
 顯故唯云空不空等亦如前說此但列之以釋經中  
 差別之言耳妄也慈疏總科五各云初圓照總持二契經  
 宗訣三三昧根本四寂滅佛常以寂滅為所依境界五真妄  
 含分疏依此名而持者如云大方廣便須心冥體性  
 音觀德相善巧起用餘例此知又華嚴祖師藏和尚

所製受持大乘經教儀式有五門每門五義在別卷  
 中若以義求等者觀彼處疏文即明經標行中疏前  
 云等者皆是難辭謂既亦是衆生覺地何唯佛境無  
 明等法豈是佛境界今云下牒起難辭也次下釋此  
 意云雖說無明衆生等法一一皆空空故徹其覺地  
 不同法相宗教說為定有有則與佛永殊故此名為  
 顯如來境也華嚴信位等者即第二會十信法門中  
 問明品說所信之境有十門甚深第一緣起甚深問  
 答心性是一云何見有種種差別等乃至第十佛境  
 甚深問答佛境界智佛境界知等十義謂智是諸佛

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

智用知卽衆生心體故此云智與知殊皆佛境界前  
 已具釋既於信位明之卽知緣起十門之法本來甚  
 深皆是佛之境界況此經所說染淨之法皆依圓覺  
 現起豈非唯顯如來境界邪經依修中疏十法行者  
 謂修行之言通於總別別者是十中修習一行總者  
 書寫讀誦等總是修行故此當總也疏必至佛地者  
 至所顯之處也經法中疏宗是頓者始終依圓覺故  
 具漸門者二執二空五道五性四位三觀四相四病  
 三期三七禮懺安居等也遲速皆益者謂已悟者文  
 性離而持法未悟者無離文而持義是奉持之相也

分上中下者上謂通明觀行中則別明三觀諸輪下  
 則道場加行故云頓漸俱收經喻中疏漸教垂頓者  
 就彼宗中若云初心卽是佛者以爲驚異初十信人  
 尚不得錯呼爲十住況云佛耶諸皆類此故云乖也  
 頓門必具漸者雖云輪迴等非作故無本性元無而  
 乃說貪愛是輪迴根本備述過患勸令除斷雖云衆  
 生本來成佛而乃廣說發心發願勤修觀行等故云  
 必具大經亦云初發心時便成正覺然後具說十住  
 十行次第修習乃至妙覺經答功德疏二一四答下  
 科分敘意聞經配福度人配智者疏各隨科便自釋

訖然二中從又聞者下重釋兩段前福後智之義也  
 後宿因中雙明福智者經自明言種諸福慧慧即智  
 也二依科隨釋經顯勝中疏如金剛者彼云若人滿  
 三千大千世界七寶以用布施乃至若復有人於此  
 經中受持乃至四句偈等為他人說其福勝彼然文  
 例雖同優劣又異彼須受持方勝此但聞名已勝又  
 彼兼為人說方勝此自信已勝問約彼經初校量之  
 文即如上所說然彼向後復以多恒河中沙以計三  
 千世界滿爾許世界七寶布施尚不及持說又以河  
 沙身命布施亦不如持說豈不超過此一世界七寶

所校量邪答彼經大第斷二十七疑故義理境界轉  
 轉增勝上所引難之文是已斷至第七重受得報身  
 有取之疑已悟報身無取故功德超過多界七寶及  
 身命之施令此但校量聞名及一句義都未校量證  
 悟深妙之境以深妙境無有世法可校量故故知所  
 問全非類也盈利者滿世界也為漏果之資者與有  
 漏六道報應之果而作資緣致令三界生死不絕仍  
 招第三生之重苦故云爾也慙本文云能招漏果之  
 資文意不切謂世珍是能招漏果是所招句已圓矣  
 今更云之資乃成資是所招義勢渾倒今謂資是資

緣資助資助貪愛施心招於漏果卽知資是能招故  
改云能爲漏果之資義意極相順也經度人校量疏  
二一二以下顯意二釋文經舉劣中疏積德者且如  
勸得一人斷酒肉或持五戒福德尚多况八戒十戒  
乃至出家受具足戒其功已難可說况一百箇恒河  
一一河中所有沙沙細如麩以一沙計一人令爾許  
人皆得阿羅漢此之功德唯佛能算誰測邊際故云  
可知可知至極之多非謂知其數量經顯勝中疏空  
體不空者靈鑒不昧此則以空如來藏爲半偈一種  
器具爲全偈也或無常眞常者悟一切法皆悉苦空

無常爲半偈於空無常處見常住眞樂本覺法身方  
爲全也故涅槃經羅刹說半偈云諸行無常是生滅  
法後更說云生滅滅已寂滅爲樂方爲全也又能觀  
身不淨等四念處爲半法身常樂爲全若約當經則  
幻身滅故幻心亦滅幻心滅故幻塵亦滅幻塵滅故  
幻滅亦滅總爲半偈也幻滅滅故非幻不滅譬如磨  
鏡垢盡明現爲全偈也問若爾則此云分別半偈同  
於小乘或同大乘權教如何功德如是難量答由先  
標圓覺爲宗已破無明爲夢中人於此性淨圓覺之  
中方說無常等法故先悟如來圓覺無垢然後說無

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

始無明種種幻化皆生如來圓覺妙心顯性之宗例  
 皆如此論中亦云依覺故迷故雖半偈已迥超諸教  
 之全由斯功德難可筭計經宿因返驗中疏二二三  
 以下顯意二釋文經順明中疏亦如金剛文勢者彼  
 經云如來滅後後五百歲有持戒修福者於此章句  
 能生信心以此為實當知是人不少於一佛二佛三四  
 五佛而種善根顯反以無量千萬佛所種諸善根順經  
 答護持中疏故經說者淨名經也樂生死耽著富樂  
 自恃強盛常樂勝他是生死業也著諸見者是邪智  
 也故引為證瓔珞經云樂行勝負天魔行樂見是非

外道行經天王眾中疏為請主者如懸談初門引法  
 華說經鬼王眾中疏一由旬者舊譯云四十里新譯  
 云十六里疏自惟下大文第三慶讚迴向三一慶二  
 一傷昔言迷者無明也心海者心是法海是喻對下  
 句中生死波生死是法波是喻謂風吹海而成波無  
 明迷心而成生死故論云如大海水因風波動水相  
 風相不相捨離而水非動性若風止滅動相則滅濕  
 性不壞如是眾生自性清淨心因無明風動心與無  
 明俱無形相不相捨離而心非動性若無明滅相續  
 則滅智性不壞故若約楞伽經即以風喻境界文云

撰述  
圓覺疏卷之五十五  
七  
藏識海常住境界風所動洪波鼓溟壑無有斷絕期  
論云無明約因也經云境界約緣也因緣具足故令  
淨心動成生死波浪也漂沈者人天爲漂三塗爲沈  
如人墮落漩渦水中一沒至底暫時漂至水面而出  
水不得又却沈下一一配合可知塵沙佛出者從無  
始來諸佛慈悲傷愍衆生迷倒墮落出現人間相計  
其數如抹世界爲塵之數亦如恒河中所有沙有如  
是等恒河一一恒河所有細沙之數恨我與佛無緣  
佛出此世界我生彼世界佛出諸世界我則生此世  
界或佛出時我在三塗或北洲等一切難處我暫得

人身則佛及教法已滅設法未滅亦不聞不信不能  
發心猶如盲龜墮在海中求出不得海有浮木木中  
有孔可容龜身龜若得入其中漂至海岸卽得出海  
然百千箇盲龜浮木無由相偶我如盲龜佛如浮木  
孔以不相遇于今凡夫法華涅槃皆有此喻所言佛  
出人中者病重之處則偏憂也大道之報多從閻浮  
人身造得發心修習三乘無漏之業亦在人身由人  
中分別強盛多思議故六天苦少八難緣隔堪受化  
者唯是人中疏何幸下二慶今所若據所逢了教華  
嚴及諸圓頓顯性經論數部然今且正慶此經也干

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

重疑者余先於大小乘法相教中發心習學數年無  
量疑情求決不得後遇南宗禪門真善知識於始終  
根本迷悟昇沉之道已絕其疑至於諸差別門心境  
本末修證行位無量義門及權實教猶未通決每因  
思惟觀照或因披尋諸經律論至相違之文屈曲之  
意迷疑之處智則結滯如水流之次風凍結水則不  
能通流心情鬱快亦如此也自習此教一泮釋如水  
在日中亦如湯沃霜雪故云類冰消也尋思等者反  
驗宿因若非累世遇諸善知識聞了義教熏習藏識  
豈得如今覩此妙典便能悟解邪豈一生二生三四

五生聞信便能悟入如此性相無礙真妄通凡聖  
交徹本末自在無雜無亂千門萬義一一成就無疑  
滯邪當知已於累世積集聞熏已於多生遇善知識  
方能通達如此甚深至教文垂意通等義門也實曾  
頻頻尋思此意或靜夜通宵或宴居終日或獨行盡  
於一程想像于懷感荷多生諸善知識開誘勸示而  
至於此又委細想得數生已前初遇善友之時必難  
信向種種堅執作種種非理之語騁能騁辯務在抵  
拒賴善友慈念覺悟恐涉毀教恐轉墜墮乃盡心竭  
力方便救濟如此數生方肯信受雖能信順又未悟

解復煩善友種種方便譬喻教令通會又經數生如此然雖隨言卽解過後依前因循而已仍未解生難遭之想念念求學常只是費善友心力長時勸策方能漸進又經數生空好習學言教道理不能對境檢心不能覺察妄想折伏情念每聞善友說甚深意卽歡喜聽受亦聞指著用心垂道處卽不歡喜及疑善友或不憐念信任人言或有餘意如此種種障道門戶從初發心乃至今世委曲思惟想其流類種數千千萬萬事須一一蒙善友悲憐不捨百計千校漸漸誘引方得今生能超過爾許多障道關節數曾閑暇

之時幽靜之處因反思多生之事淚流至項心咽至曾往往微聲啼泣恨不便見多生善知識一一記得懇到禮謝種種報効因此便念念發願願來生一一却得相逢兼得宿命智一一醒得一一竭盡身心供養報恩懇情如此不知所爲因略書示同流令知我前車已翻諸人後車當改轍耳疏上士下二讚哀末世者十二菩薩一一問中皆云願爲菩薩及末世衆生也始終者始謂文殊問本起因地終謂圓覺菩薩問三觀修證若對一類上根初一周說則淨慧章說凡聖因果之人隨順覺性之相便爲終也次第者謂

於了教發心直趣大乘之人且合問最初依何法發  
心以何爲本因故文殊依此而問故佛爲說圓覺淨  
心本有總持染淨諸法是一切法之源由無明故妄  
認此身心爲我故有輪轉又無明本無亦無達悟之  
者歸如來藏究竟圓滿次既悟此境法尔合知依悟  
處修行之理然淨覺本具無增無減無明本無無可  
除斷卽不合修若不修行又常居幻化修不修義言  
反意合固宜了之故普賢依此而問佛說身心及修  
行智雖皆如幻不妨以幻智修幻身心身心盡時幻  
智亦滅覺性圓滿無生無滅次既悟此理法尔須知

修之方便如何竊意如何運心而得觀行成就故普  
眼承此而問佛說以正念離幻爲前方便止息諸緣

奢摩他  
此云止

一推斥四大根識塵境於中我執法執皆無所有卽

二空所顯真性又泯修悟之相影像亦滅覺心清

淨一切皆然無自無他平等不動徧滿法界於諸二

境無愛無憎乃至衆生本成佛道次聞此說已根稍

劣者法尔合疑本來成道何得現與佛殊優劣天隔  
故金剛藏菩薩知機依此而問佛說良由衆生輪迴  
之心而觀圓覺似有流轉其實覺元不動如舟行故

見兩岸移其實岸本不移既通此疑方知由輪迴之心故見圓覺流轉法尔合斷此心大然此輪迴心及輪迴相任運流注蓋不由已不知何法是輪迴根本得如此不斷不絕故彌勒依此而問佛說食愛爲本故造業受報相續無窮設使依三乘教熏若不除根本無明終難入覺次卽知斷除貪愛起增上心發清淨願住佛圓覺求善知識卽不懂邪見則修真止妄理意周圓法尔要知依此而修既從初心至於佛果常依圓覺所作所爲常須相應隨順圓覺既無別異况聖復有階差如何差別位地皆順無差之覺故淨

慧依此而問佛說十信三賢十地佛果隨願覺性各有行相是則一期法義終始周圓但衆生根性種種不同或上中下或起動止息或宜任運而合道或宜拘繫專注而證理如一城四門隨方各入如何方便徧被諸機故威德菩薩依此而問佛說於諸修行實無有二隨順方便其數無量圓攝所歸循性差別當有三種謂奢摩他等也次既聞三觀是別對根宜趣入之門法爾要知爲一人總修三種或三人各修一般或二或三或單或複故辯音起問佛爲說二十五輪一切皆許次既知所修觀行門戶法爾有人自覺

依法修之心念不息觀行不成自疑覺性本淨此由迷倒故不相應今已頓悟又依趣入門戶修之如何不能證入故淨業起問佛說由無始我人衆生壽命等執習氣相續故不入覺非覺違拒諸能入者次既知我相潛伏難辨難除須依善友積習妙門發心勤斷法爾要知何等人是真正善友堪可依止又法爾合有一類人以發心勤修勤斷故或便種種造作務圖早證或怕生心爲失一向任運或但止息妄念或欲滅除根境故普覺菩薩知之起問佛說依於明師示微細病之方法也次中根之類法門已周更有一

類至下根人復有大志決欲求證之者須有事法拘制方能克志成功故圓覺菩薩依此意問佛說二期道場加功用行之法及於三觀或別修或徧修或更互試修修之不得又教禮懺等也次正宗三類一切圓足法爾須知護持修習此言教之方法今此教流通不絕故賢善首起問佛答經名及說經護經之佛校量持教功德乃至諸天神擁衛大衆奉行故云次第也諮詢者卽佛讚文殊云乃能爲諸菩薩諮詢如來因地法行等也能仁者梵語釋迦此云能仁也應感者菩薩衆請問是能感佛是所感佛是能應諸菩

俱述  
薩是所應稱心源者圓覺妙心是諸法之源也心卽  
是源名爲心源亦可心是能斷所斷染淨之心源卽  
覺性真心此則是心之源名爲心源前持業釋後依  
主釋二意皆通此經從首至末所說一切種種差別  
法義一一依於圓覺淨心而辨故云稱也本末無遮  
者諸大乘或唯一向說空寂之理真如寂滅無修無  
證無能無所不可智知識識言語道斷心行處滅是  
唯說本而遮末也或一向說一切衆生無始已來皆  
依八識展轉熏習變起染淨一切諸法有情無情無  
明故起惑造業受報無窮若不遇佛定是凡夫無由

成等正覺若遇佛教發心生信修六度萬行或二乘  
行展轉趣入各依自乘經三生六十劫等或三祇劫  
方始成佛此唯說末而遮本也今經具足明了顯示  
本末無上法王有大圓覺又無明本無又知無者亦  
如空華如來藏中無起滅知見乃至妙圓覺心本無  
菩提及與涅槃亦無成佛及不成佛無妄輪迴及非  
輪迴如是類例不可具陳皆是本也又種種迷倒行  
相種種修行行相位地階級觀行差別道場法則如  
是類例亦難具引皆是末也所說末皆是卽本之末  
未曾遮本說本皆是卽末之本未曾遮末故云本末

無遮無遮之言是金剛藏請云惟願不捨無遮大慈  
爲諸菩薩開秘密藏如設大齋遠近僧尼來卽供養  
更無遮障乃至行者童子貧病之人一切不障名無  
遮齋今經亦爾諸大菩薩地上地前乃至末世或初  
心門戶或修之意旨深淺皆被如大海水不讓小流  
修羅蚊蚋飲皆充滿故曰無遮也頓者是化儀之頓  
也謂若且說泯迹離相亦不名頓故法鼓經云一切  
空經是有餘說說理未盡故又中論云空是大乘之  
初門故若且說事相行位亦非爲頓未窮真源故今  
經本末俱說相卽無礙故云頓演說也疏已採下三

迴向羣詮者諸經律諸論疏諸雜要妙祕訣等也和  
真寂者反自觀心照理依於悟處見處而述此疏此  
中有二意一以採羣詮故不同一類禪宗但約心述  
理不勘契聖教爲定量二以扣寂故不同一類聽學  
文疏之人但博附舊語抄集疏論改頭易尾便稱我  
製造章疏今乃以聖教爲明鏡照見自心以自心爲  
智燈照經幽旨故云採詮扣寂等也和扣寂之言卽于  
書云扣寂寞以求意也隨應聖旨者雖徧覽羣教而  
不盡用亦不揀自己熟處卽用但以聖人說此經時  
意旨相應卽用故云隨應聖旨也斯文者此經也迴

圓覺經疏卷第二十五  
圓覺經疏卷第二十五  
功德向衆生者然所迴向處具有其二謂衆生菩提  
實際今以經意門門皆在末世衆生故順經標生也  
又修大乘人有大悲增者有大智增者餘以情性鈍  
弱多慙下流故迴功德向衆生同入光藏光藏卽實  
際也唯闕菩提之言合在入字中能入是智故當菩  
提矣

圓覺經略疏之鈔卷第二十五

發記  
張元

五ノ四十三

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9